

**Awe Aruba
anfitrión di 'CAC
Open Water
Qualifier' na
Mangel Halto**

Fraccion di MEP:

Veld social na Aruba tin urgencia di sosten financiero



ORANJESTAD (AAN) - Durante un reunion cu organisacionnan di centro di bario y cu CEDE Aruba, a sali na cla cu e veld social na Aruba ta enfrenta un situacion preocupante. Segun CEDE Aruba, despues di 2018 tabata tin hopi fondo disponibel pa reforsa e sector social. E inversionnan ey a yuda pa lanta y fortalece diferente iniciativa y programa pa sostene nos comunidad. Sinembargo, CEDE Aruba a indica cu actualmente e fondonan ey a caba. Consecuencia di esaki ta cu hopi organisacion y iniciativa social a bolbe practicamente na "square one", sin e base financiero necesario pa continua cu nan trabao importante den nos comunidad. E realidad ey ta muestra cu e necesidad pa mas fondo den e campo social ta urgente. Tin un demanda creciente pa sosten pa programa social, pa guia hubentud, pa yuda famianan vulnerabel y pa mantene iniciativa comunitario den barionan. Na mes momento, e gobierno actual a reserva 70 miyon florin pa un fondo di inversion. Te ainda, sinembargo, no a presenta plan concreto tocante con e fondo ey lo wordo utiliza. Mientras tanto, e veld social, cu ta traha tur dia directamente cu nos comunidad, ta sinti falta di sosten.

Lamentablemente, na mes momento e gobierno di AVP y Futuro a dicidi riba nan prome dia di trabou, pa corta 6.2 miyon florin for di fondo destina pa e sector social. E decision aki ta manda un señal ekiboca den un momento caminda e necesidad ta mas grandi cu nunca.

Nos ta kere firmemente cu inversion den e veld social no ta un gasto, pero un inversion den estabilidad social, prevencion y bienestar di nos comunidad. Organizacionnan social ta e prome linea di sosten pa hopi ciudadano y famia.


P'esei nos ta urgi e gobierno di AVP y Futuro pa pone prioridad real na e veld social. E necesidadnan ta cla, e organisacionnan ta haci trabao valioso, y nos comunidad ta depende di nan.

Aruba mester di un gobierno cu ta comprende cu fortalecimiento di e veld social ta fundamental pa un sociedad fuerte y balansa.

Psicologo y Psiquiatra ta haya cu e acusado tin problema mental

Cinco aña di prizon existi pa homber cu a hack, chantajea 3 dama y hasta a viola un di nan

Apertura di oficina Ban Studia y EducationUSA



ORANJESTAD (AAN): Durante un encuentro cu prensa diabierna atardi, pa anuncia e apertura oficial di oficina 'Ban Studia y EducationUSA', señora Rebecca Naddall, coordinador di Ban Studia, a destaca cu e oficina nobo aki ta habri pa henter comunidad—tanto mayor como studentenan—cu kier haya informacion y guia pa sigui estudio avansa, sea na Aruba of den exterior, entre otro den region, Hulanda, Merca of Canada.

Segun señor Hubert Dirks di Compra LTD:

Aruba no por keda importa productonan demasiado leu di nos solamente sin tin un plan B

Encuentro diplomatico ta habri dialogo riba oportunidad economico nobo pa Aruba



ORANJESTAD (AAN): Durante un encuentro cu dos diplomatico na Bestuurskantoor, Prome Minister Mike Eman y Minister di Turismo mr. Wendrick Cicilia a reuni cu Birgitta Tazelaar cu ta fungi como embahador di Reino Hulandes na Washington D.C., Merca y Chargé d'affaires di Embahada di Reino Hulandes na Caracas, Venezuela Carmen Gonsalves, pa dialoga riba desaroyo economico, cooperacion regional y e posicion strategico di Aruba den un contexto geopolitico cu ta evoluciona rapidamente. E encuentro a tuma lugar den un momento historico pa Aruba, mirando cu e isla ta conmemora 40 año di Status Aparte y 50 año di Himno y Bandera, loke tambe a forma un oportunidad pa reflexiona riba identidad, unidad y futuro di e pais.

Segun Prome Minister Mike Eman, e reunion a representa un paso importante pa Aruba fortalece su relacionnan internacional y explora nobo oportunidadnan economico. El a enfatisa cu Aruba mester sigui diversifica su economia y posiciona su mes

strategicamente den region.

“Nos ta na un momento unda Aruba mester mira mas aya di turismo y desaroya otro pilar economico. Nos kier posiciona Aruba como un centro di servicio, conocimiento y cooperacion den region,” Eman a expresa.

Durante e encuentro, e diplomaticonan a subraya e importancia di cooperacion estrecho entre Reino Hulandes, Merca y e region Caribe. Tambe a wordo destaca cu e interes di Merca den e region ta aumentando, loke por habri porta pa colaboracion y inversion nobo.

Un di e areanan cu a bin na discusion ta con Aruba por fortalece su rol como *hub* strategico entre Latino America y Merca, incluyendo posibilidadnan den conectividad, infraestructura digital y intercambio economico.

E diplomaticonan a indica cu e situacion actual den region ta presenta oportunidadnan positivo pa desaroyo economico, y cu nan lo continua monitorea e cambionan pa identifica posibilidadnan pa cooperacion cu Aruba y otro paisnan. Tambe a destaca



e importancia di dialogo intelectual y intercambio di conocimiento, unda Aruba por desempeña un rol como plataforma pa discusion riba tema global y desaroyo di sociedadnan moderno. Durante nan estadia na Aruba, e diploma-

ticonan a expresa nan aprecio pa e celebracionnan nacional y e fuerte sentido di identidad y union entre e pueblo Arubiano. Nan a resalta con e celebracion di Himno y Bandera y Status Aparte a mustra claramente e orguyo nacional y

cohesion social di e isla. Gobierno di Aruba ta considera e encuentro aki como un paso positivo den su esfuerzo pa amplia e base economico di e pais y pa posiciona Aruba como un socio confiabel y dinamico den region.

The Aruba Ports Authority N.V. is publicly tendering: Repair & Paint Works Roof Sections Terminal 1.

According to the tender document: OPEX PROJECT APA-PFAU-15-25

Short Project Description

The project consists of the following activities:

- Restoring the protective layer of the Main Roof through thorough comprehensive surface preparation and the application of a high-performance, salt-resistant silicone roofing system.
- Fully replacing the deteriorated roofing systems on Canopies A, B, and C with new structural plywood, waterproofing membranes, and UV-resistant coatings, while ensuring watertightness, thermal performance and long-term durability.

The tender documents will be available from **March 23, 2026, up to March 26, 2026**, at the main office of the Aruba Ports Authority N.V. or via E-mail against a payment of **Afl. 250.00**.

The request for the tender document must include proof of transfer in the requesting e-mail. Note that the cut-off time for receipt of request and proof of transfer is **March 26, 2026, at 4:30pm local time**.

Bank Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description: TOR project nr: APA-PFAU-15-25

For additional details of this tender, visit
<https://www.arubaports.com/main/repair-paint-works-roof-sections-terminal-1/>
or scan this QR code.



Apertura di oficina Ban Studia y EducationUSA

**Lo brinda guia y informacion na studiantenan cu kier sigui estudio avansa na Aruba of exterior*



ORANJESTAD (AAN): Durante un encuentro cu prensa diabierna atardi, pa anuncia e apertura oficial di oficina 'Ban Studia y EducationUSA', señora Rebecca Naddall, coordinador di Ban

Studia, a destaca cu e oficina nobo aki ta habri pa henter comunidad—tanto mayor como studiantenan—cu kier haya informacion y guia pa sigui estudio avansa, sea na Aruba of den exterior, entre

otro den region, Hulanda, Merca of Canada. El a resalta tambe cu Gobierno a firma un MOU cu varios universidad na Merca, loke ta haci e proceso mas facil y accesibel pa studiantenan

di Aruba. Na luga di paga tarifanan internacional halto, studiantenan lo beneficia di un tarifa reduce, y nan ta aproximadamente mita di e costo usual pa studiantenan internacional na Merca.

El a bisa tambe cu e edificio mes a wordo inauguradialuna mainta, y awo e ta cla pa cuminsa brinda guia y informacion na studiantenan cu kier sigui studia na Aruba of den exterior.

Segun señor Hubert Dirks di Compra LTD:

Aruba no por keda importa productonan demasiado leu di nos solamente sin tin un plan B

ORANJESTAD (AAN): Den un entrevista reciente cu DIARIO, señor Hubert Dirks di Compra LTD, a duna di conoce cu prijsnan, specialmente di fruta y berdu fresco lo sinti e efecto di subida den e tempo nos dilanti pa motibo di subida di prijs di combustibel. Aruba ta importa practicamente tur cos di afu y debi na e desaroyonan mundial, prijsnan di combustibel ta sigui subi. Sinembargo, segun señor Dirks, tin un solucion hopi facil cu pa hopi tempo a trece na orea di

Gobierno di Aruba.

El a haci referencia na un dicho conoci cu ta bisa: "Miho un bisña di cerca, cu un bon ruman di leu". Cu esaki e kier enfatisa cu Aruba no por keda importa productonan demasiado leu di nos solamente sin tin un plan B. Como e importador mas grandi di cuminda, e ta bisa cu no tin importacion for di paisnan cerca entre otro Venezuela, Colombia y Santo Domingo. Un solucion ta, segun e, pa cuminsa busca productonan mas



cerca di cas.

Tambe el a menciona cu mester cuminsa wak kico ta bay haci cu e stock di cuminda cu tin na Aruba den caso di situacionnan cu cosnan bay malo, si

mester subi prijs un tiki mas. Den varios ocasion a trece e plan di 'Food Security' na gobiernonan di Aruba, entre otro tawatin mester di tereno y cooperacion di e gobiernonan cu a sinta pero ningun a pone atencion adecuado.

E ta haci comparacion cu e Gobierno di Hulanda unda tin un minister cu den su cartera tin inclui 'Food Security' mientras cu Hulanda mes ta produci. "Na Aruba nos no ta produci nada y ora cu barco pega ta core yama mi pa puntra cua pro-

ducto y cuanto tin den stock. Nos ta wardando e baca hoga pa despues nos tuma accion", señor Dirks ta puntra.

Señor Dirks ta enfatisa cu Food security, seguridad di alimento, mester bira un prioridad strategico pa Aruba. Esaki ta encera pa Aruba ta prepara cu pa un tempo largo, tin cuminda suficiente pa pueblo. Mester bin cu un plan di emergencia si cos bay malo, pa sigura cu den tempo malo, tin suficiente cuminda pa henter comunidad.



Cuminsando cu 4 florin, bo por gana e suma grandi aki

Afl.

100.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



Eduard Pieters (PPA):

“Parlamento a silenciar gremionan y ta pone autonomia di Aruba na riesgo”

ORANJESTAD (AAN): Despues di un celebracion basta confuso di 40 aña di Status Aparte y 50 aña di nos Himno y Bandera, parlamentario Eduard Pieters di fraccion di PPA ta bolbe ati alarma serio: proceso alrededor di e Rijkswet HOFA no ta solamente cuestionabel, sino peligroso y totalmente antidemocratico. Siman pasa, riba iniciativa di fraccion di PPA, awe a convoca un encuentro publico cu e 13 representantenan di e gremionan pa duna bos na e gremionan cu ta representa e trahadornan y interes di pueblo di Aruba. Pero manera presidente di Parlamento a dicidi di conduci e reunion, segun Pieters, ta muestra mas un tendencia preocupante: silenciar e bos di pueblo den Parlamento mes.

5 Minuut pa pueblo...Un falta di respet institucional

A manda e invitacion pa e reunion dialuna, pues den menos di 72 ora di aviso, poniendo presion riba e gremionan pa organisa nan presen-

cia. Sinembargo, apesar di e limitacionnan, e gremionan a presenta nan mes cu determinacion pa defende nan posicion riba HOFA.

Pero e trato cu nan a haya den Parlamento, segun Pieters, ta simpelmente inaceptabel.

“Duna nos unicamente 5 minuut pa presenta y pa haci pregunta riba un tema asina serio, ta un manera elegante y autoritario pa silenciar e representantenan di pueblo,” Pieters a declara. Pa PPA, esaki ta un falta di respet pa democracia.

Coalicion silencioso, oposicion cu presion

Segun Pieters, e actitud di coalicion durante e encuentro tabata igual preocupante. Durante gran parti di e reunion, mayoria parlamentario a keda den silencio, sin cuestiona ni confronta e informacion presenta pa e gremionan.

“Tabata te ora oposicion a cuminsa presiona cu e preguntan serio, cu algun miembro di coalicion a reacciona,” Pieters a indica. “Y esakinan tabata speech sin direccion,



sin contenido real y te hasta tin un miembro di fraccion di AVP tabatin e curashi di cuestiona sindicatonan, caminda cu nan mes a bay campaña y bisa nan votadonan cu nan ta contra Rijkswet y awe nan gobierno ta pro Rijkswet” Mas cu claro esaki ta refleha un problema mas profundo: “E parlamentarianan di coalicion ta comporta mas como representante di gobierno, en bes di e representantenan di pueblo”.

Gremionan a representa pueblo mas cu parlamento

Un punto contundente cu a sali for di e encuentro tabata

cu, segun Pieters, e sindicatonan a muestra mas liderazgo den defende interes di pueblo cu e propio parlamentarianan di coalicion.

“Ta parce cu e 13 representantenan di e gremionan tabata defende pueblo mas cu e parlamentarianan di AVP y FUTURO,” Pieters a expresa. “Y esaki pueblo di Aruba no mester acepta.”

E critica aki ta toca e esencia di democracia: Parlamento ta existi pa representa pueblo, no pa valida decision di gobierno sin cuestiona.

HOFA: Sin consenso, sin legitimidad

Centro di e debate ta e Rijkswet HOFA, un ley cu segun gobierno ta necesario pa disciplina fiscal, pero cu segun PPA ta representa un riesgo directo pa autonomia y autodeterminacion di Aruba.

Segun Pieters, un consensus-rijkswet mester tin consenso real, no solamente di gobierno, pero di Parlamento y pueblo.

“Aworaki, ni Parlamento, ni pueblo, cu ta representa pa e sindicato- y gremionan, no ta di acuerdo. Pues con nos por papia di consenso?” Pieters a cuestiona.

Pa PPA, proceso actual ta un ehempel cla di bypass di Parlamento y un falta di respet pa procedimiento democratico.

Alternativa real: Disciplina sin perde autonomia

Pieters a enfatisa cu PPA no ta contra disciplina fiscal. Al

contrario, e fraccion ta proponiendo alternativa concreto: fortalece supervision financiero via un begrotingskamer local, dentro di marco constitucional di Aruba. E argumentonan financiero tambe ta fuerte:

Debe di Aruba a baha di 117% di GDP na 64% den 5 aña. Proyeccion ta cu esaki lo baha te 50% pa 2030.

“Si nos ta demostra disciplina financiero, pakico nos tin cu entrega nos autonomia y autodeterminacion bou di un Rijkswet?” Pieters a puntra.

Un momento di decision pa pueblo di Aruba

Pa Pieters, e situacion aki ta hopi mas cu un debate tecnico. Ta un momento decisivo pa democracia y autodeterminacion di Aruba.

“Si Parlamento no tin bos ni voto real riba decision financiero, pakico pueblo mester vota?” el a cuestiona. Segun Pieters, si implementa HOFA sin resistencia, Parlamento di Aruba ta core e riesgo di perde su rol esencial.

Finalmente Fraccion di PPA ta bolbe haci un yamada pa crea un frente nacional hunto cu e sindicatonan, e gremionan comercial y pueblo, pa muestra Hulanda claramente cu no tin consenso riba HOFA y trece e alternativanan cu PPA ta propone “Nos ta dispuesto pa supervision, pero den un forma cu ta respeta nos autonomia y autodeterminacion,” Pieters a conclui.

Fundacion Cerebro Vascular Accident (CVA) Aruba, cu recordatorio: Corda cu awe tin chekeo di sucu, presion arteria y colesterol na Centro di Bario Brasil

ORANJESTAD (AAN)--Algun Ciudadano a tumada contacto cu nos mesa di redaccion di DIARIO, despues di a lesa e informacion tocante e chekeo cu CVA Aruba, ta bay haci na comunidad, awe diasabra 21 di Maart.

Nan a haya e informacion hopi interesante, pero nan a keda cu un pregunta, y esaki ta “Kico ta CVA”.

Den contacto cu señor Palm, el a bisa nos cu CVA ta nifica “Cerebro Vascular Accident”, kiermen ta trata aki di “Fundacion Cerebro Vascular Accident. Aruba” Alavez e Fundacion kier a haci un recordatorio cu



awe Diasabra 21 di Maart, tin e chekeo di sucu, presion arterial, colesterol y midimento di cintura, y tambe un par di charla interesante den Centro di Bario Brasil, di 8’or di mainta te 12 di merdia. Unico cu tin un prijs carchi ta e colesterol pa motibo di e costo halto di e strips. E fundacion CVA Aruba ta spera cu un publico grandi ricibi e invitacion aki y bin participa di e chekeo.



AANKONDIGING

Bij exploit van mij, Josefijn P. Locadia deurwaarder voor burgerlijke zaken, van 17 maart 2026, waarvan een afschrift is gelaten aan de Directeur van de DWJZ, die het origineel hiervan voor GEZIEN heeft getekend, is ten verzoek van de naamloze vennootschap ARUBA BANK N.V., gevestigd en kantoorhoudende in Aruba te Camacuri 12;

BETEKEND :

EEN BRIEF aan Asnorald Jimenez, met laatst bekend woonadres Sabana Basora 9 in Aruba, doch feitelijk met onbekende woon- en/of verblijfplaats in Aruba of elders, opdat zij van een en ander niet onkundig zoude zijn en opdat zij van een en ander tijdig en legaal kennis drage.

De deurwaarder,
Josefijn P. Locadia
Tel: 588-1700

Parlamentario Xiomara Maduro:

Sindicato a haci trabou di AVP-FUTURO: splica HOFA na pueblo

ORANJESTAD (AAN): Parlamentario Xiomara Maduro ta expresa su preocupacion serio riba e falta di interes y preparacion cerca algun parlamentarianan di coalicion AVP-FUTURO riba e Rijkswet HOFA.

“Ta preocupante cu hende cu tin responsabilidad di tuma decision importante pa nos pueblo, no ta plenamente informa riba e contenido di e ley y ni su posibel consecuencia pa Aruba. Decisionnan di e caliber aki, merece estu-

dio, comprension y compromiso serio,” Parlamentario Maduro ta expresa.

Esaki a bira bisto durante e encuentro publico cu Sindicatonan, na unda Sindicatonan mes a sinti e necesidad di splica e Parlamentarianan di AVP FUTURO e contenido di e ley y su consecuencia pa Pueblo. “Parlamento mester ta un espacio di conocimiento, preparacion y debate responsabel, pesey locual a pasa awe den reunion, tabata un ‘dieptepunt’ pa Parlamen-



to,” Maduro ta enfatisa.

Maduro ta haci un yamada na tur Parlamentario di AVP FUTURO pa tuma nan trabou y Aruba su fu-



turo mas na serio: informa, prepara y actua semper den interes di pueblo. Pueblo di Aruba merece liderazgo

responsabel y bon informa. Locual e Fraccion di AVP y FUTURO a presenta awe, a laga hopi di desea.

Mañan, 22 di Maart ta Dia Mundial di Awa Pa aña 2026 e enfoka ta e liderazgo femenino den e maneho di awa



ORANJESTAD (AAN)-- Diadomingo, dia 22 di Maart, ta Dia Mundial di Awa, un fecha hopi importante cu ta trece humanidad na reflexion tocante e balor incalculable di e likido indispensable aki.

E Dia Mundial di Awa a wordo proclama pa Organizacion di Nacionnan Uni (ONU) na aña 1992, pa concientiza riba e importancia di awa dushi y e necesidad di su gestion sostenible. E obhetivo principal ta visibiliza e crisis mundial di awa y promove e conservacion di e recurso esencial pa bida.

El a wordo institui oficialmente pa Asamblea General di Nacionnan Uni, cu a wordo celebra pa prome biaha na 1993.

Su enfoka pa aña 2026, ta centra den e liderazgo femenino y e igualdad di genero den e tumamento di decisionnan tocante awa, pa asegura e acceso na awa potable y saneamento pa un y tur y destaca su balor esencial pa Paz y Desaroyo.

Gobierno y empresanan di henter mundo y tambe e poblacion global ta wordo exhorta na adopta un uso midi y responsable di e recurso no reemplazable aki, di cual e salud, bida y higiene di tur ser bibo, hende, animal, cultivo, alimentacion, clima, flora, fauna, y hopi mas, ta depende! Pues nos tur mester di e awa, ban cuide!

DE BESLISSING

Het gerecht:

stelt Jacob Udema BRISON, geboren op 16 maart 1994 in ARUBA, onder curatele, benoemt over de onder curatele gestelde tot curatrice zijn moeder, Senaida Beatrix BRISON, geboren op 07 mei 1968 in Aruba en wonende in Aruba.

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE **GRATIS**. MAS BO CUMpra, MAS TICKET LOCO **GRATIS** BO LO RICIBI!

PROMOCION TA VALIDO DESDE 1 DI MAART TE CU 31 DI MAART

www.lottoaruba.com

Facebook, Twitter, YouTube, Instagram icons.

LOTTO 5 Cambiando vida.

Universidad di Aruba

Programanan di FEF a alcanza e Standard Internacional di Acreditacion den e evaluacion di NVAO

ORANJESTAD (AAN): E Facultad di Contabilidad, Finanzas y Mercadeo (Faculty of Accounting and Marketing-FEF) di Universidad di Aruba orguyosamente ta anuncia cu riba 28 di januari 2026 e programanan bachelor Finance y Control y Marketing Management a ricibi un evaluacion positivo di Nederlandse-Vlaamse-Accreditatieorganisatie (NVAO). E resultado aki ta confirma cu tur dos programa ta alcanza e standardnan di calidad reconoci internacionalmente, alinea cu esunnan aplica na Hulanda y Vlaanderen. E acreditacion aki ta valido te te januari 2032. Apesar di cu e WHW (Wet op Hoger Onderwijs en Wetenschappelijk Onderzoek) Ley di Enseñansa Avansa y Investigacion Cientifico no ta aplicabel na Aruba, e evaluacion a tuma luga completamente segun e marco di acreditacion. Esaki ta nifica cu e programanan a wordo evalua segun e mesun standardnan di garantia academico y di calidad riguroso cu programanan



acredita di Hulanda. Como tal, e evaluacion positivo ta substancialmente ekivalente na acreditacion. Como parti di e proceso di evaluacion, panelnan independiente di experto internacional a haci bishitanan di profundizacion na Universidad di Aruba na september y october 2025. E programanan a wordo evalua segun diferente norma clave, incuyendo e resultadonan di siñamento previsto, ambiente di siñamento, evaluacion y garantia. E panelnan a conclui cu tur dos programa ta alcanza tur e normanan, confirmando e forsa, coherencia y

efectividad di e diseño educativo y su resultado. E evaluacion a wordo haci door di panelnan distingui di experto di e ambito academico y profesional den region y Europa. Panel di Maneho di Mercadeo: Prof. dr. Ruud Frambach (presidente), Profesor di Mercadeo, Vrije Universiteit Amsterdam; dr. Anna de Visser Amundson, Profesor (Lector), Hotelschool The Hague; Jill-Joy Landburg BA, Director Creative Communications & Marketing N.V., Suriname

Marco Domacassé (estudiante miembro), University of Curaçao; Panel di Finanza y Control: drs. Dirk van der Bij RA RB (presidente), Accountant y asesor registra; drs. Eveline Kapteijn-Kruiswijk, Profesor-investigado, The Hague University of Applied Sciences; drs. Steven Debipersad MSc, Anton de Kom University of Suriname; Chandler Martis (estudiante miembro), University of Curaçao. Sostén (ambos panel): Anne Martens MA. (Secretaria); Reina Louw MA. Oficial di maneho y coordinador di proceso di NVAO. E evaluacion positivo aki ta demostra cu e programanan ta robusto, bon estructura, y alinea cu e referencianan internacional, cu ta provee studiantenan cu experiencia educativo di calidad halto. Pa estudiante y interesadonan, e resultado aki ta ofrece siguransa cla cu e programanan ta cumpli cu normanan academico internacional, cu e titulonnan ta confiabel y ta cumpli cu e

standardnan internacional, y cu e graduadonan ta bon prepara pa mas estudio avansa y e tereno profesional. Mientras cu e panelnan tambe a duna recomendacion pa mehoracion, manera ta standard den cualke revision di calidad riguroso, e facultad a tuma esakinan na cuenta caba y ta implementa mehoracionnan como parti di su acercamento di mehoracion continuo di calidad. E logro aki ta refleha e colaboracion y dedicacion fuerte cu tin den henter e facultad, e forsa laboral local y e comunidad universitario. Un danki especial na e representantenan di e companianan local; Setar, Ernst & Young, Ritz Carlton, Marriott Resort, Pelican Adventures, CMB Mercantile Bank, Horacio Oduber Hospital pa nan sosten como parti di e comision di forsa laboral local. Esaki ta un ehempel cla di kico por wordo logra pa medio di trabou den team y un compromiso comparti pa calidad den enseñansa superior. Universidad di Aruba ta keda comprometi pa sigui fortalece su programanan y mantene e standardnan educativo di mas halto.

Director General di Relacionnan di Reino a elogia cooperacion duradero cu Aruba durante bishita oficial

ORANJESTAD (AAN): Durante un encuentro cu a tuma luga diahuebs mainta, Director General di Relacionnan di Reino Hulandes, Barbara Wolfensberger, a expresa su aprecio pa e cooperacion duradero entre Aruba y Hulanda.

Wolfensberger, kende ta na Aruba den cuadro di su prome bishita oficial, a reuni cu Prome Minister mr. Mike Eman, como tambe Vice-Premier mr. Gerlien Croes.

“Dat is ontzettend fijn om hier te zijn en dit gesprek te kunnen doen,” Wolfensberger a declara.

El a indica cu anteriormente el a reuni cu e mesun representantenan di gobierno den su rol anterior na Ministerio di Onderwijs, Cultuur en Wetenschap.

Durante su estadia, el a participa tambe den actividadnan cultural relaciona cu Aruba, incluyendo celebracionnan cu bishita di Su Mahestad Rey Hulandes. El a describi e experiencia como un honor:

“Ik vond het een eer om erbij te zijn en het heeft mij heel veel mooie kanten van het eiland laten zien.”

Segun Wolfensberger, e evento tabata bon organiza y a



mostru e diversidad cultural di Aruba, cu presentacionnan di muchanan, discurso y manifestacionnan cultural. El a enfatisa cu e cooperacion entre Aruba y Hulanda tin un base historico fuerte y positivo, y cu e momento actual ta uno oportuno pa sigui fortalece e relacion: “Die samenwerking gaat al heel lang terug... en dit is weer een mooi moment om met respect en in samenwerking vooruit te kijken.” E encuentro di awe ta forma parti di un serie di reunion durante su bishita di introduccion na Aruba, cu tin como meta profunda e cooperacion dentro di Reino Hulandes.



Oproeping:

De griffier van het Gerecht in Eerste Aanleg van Aruba roept hierbij op:

- GONZALEZ HERNANDEZ, Alicia

om op dinsdag, 23 juni 2026 om 08:30 uur voor de rechter in het Gerechtsgebouw in Aruba to verschijnen, voor de mondelinge behandeling in verband met een door **CIFUENTES ALZATE, Nubia** ingediend Machtiging tot verkoopverzoek AUA202600411 EJ.

de Griffier, L.R. Gomez-Lampe

MAESTRO BENJAMIN

MAESTRO BENJAMIN, UN MAESTRO CU DI BERDAD TA PARA SUFRIMENTO.

Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar.

- E ta kita bruheria, hechizos, daños y tambe e ta dera maldicion y salamientos.

- E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamiento pabo cu lo curabo den un tempo cortico.

“Mi ta cura problema di addiction di droga y alcohol y mi ta recupera bo ser keru sin importa tempo of e distancia.”

No sufri mas den silencio pa tur problema tin un solucion y pa tur enfermedad tin un sanacion. Trabao ta 100% garantisa y den un poco tempo.

Yama awe mes of manda un WhatsApp na 641-4186 pa traha bo afspraak.

CEL/ 641-4186

Psicologo y Psychiater ta haya cu e acusado tin problema mental

Cinco aña di prizon existi pa homber cu a hack, chantahea 3 dama y hasta a viola un di nan

ORANJESTAD (AAN): Diabierna mainta te den oranan di merdia, Hues di Corte di Husticia a tuma pa trata e caso penal contra e homber D.E.(29), kende ta wordo acusa di a hack tres dama, chantahea nan y hasta a viola un di e damanan. Psicologo y Psychiater ta haya cu D.E. tin problema mental y mester haya tratamento na Respaldo. Nan ta haya cu e ta menos responsabel pa su actonan. Fiscal ta haya D.E. culpabel y a existi 5 aña di prizon.

VICTIMANAN A PRESENTA DEN CORTE

Diabierna mainta por a mira e victima B. y T. a presenta den Corte, acompaña cu famia. Tambe por a mira cu e victima S., bibando na Hulanda, a comunica via video conference pa tambe ta presente.

ACUSACIONNAN

E acusacionnan cu Fiscal a presenta contra D.E. ta:

- Na Juni 2014 a viola e dama S., kende e tempo ey tabatin 17 aña. Ademas S. tabata victima di "hack" y chantahe di D.E.

- Entre Januari 2015 y 11 Januari 2023, a hack y chantahea e damanan B. y T.

VIOLACION

Hues a cuminsa cu e violacion di e dama S. na Curacao na Juni 2014. Hues a puntra D.E. y el a bisa cu tabatin relacion sexual pero no a forza S. y no a uza violencia. Hues a puntra D.E. unda el a conoce S. El a bisa via on line el a conoce S. Nan a sali y tabatin intento di relacion sexual pero no a sigui pasobra S. tabata virgin. Ora el a sinti dolor a stop di biaha. Nan tabata hunto 4 dia y e ultimo dia si a tene relacion sexual y S. no a sinti dolor. Dia 11 Juni 2019, D.E. a viaha di Aruba pa Curacao pa topa cu S. y dia 15 Juni 2019 el a bolbe.

CHANTAGEA DAMA

Hues a bisa cu S. a declara na Polis cu bou di presion di D.E. e mester a manda potretnan sunu di dje. Segun D.E., e no a pone presion. Hues a bisa cu S. a declara cu D.E. a hack e ruman muher di S. y tabatin potretnan sunu di e ruman. Pa evita cu D.E. ta publica esakinan, S. a manda potret di su mes. Segun D.E., e y S. tabata forma parti di un grupo cu ta hack computer di hende y tabata chantahea



hende. Por a mira riba video conference cu S. tabata yora ora cu D.E. a bisa esey. E tabata sacudi mustrando cu no ta asina. Segun D.E., S. tambe a chantahea e dama T. Hues a bisa cu S. a bisa cu T. a papia cun'e pa haci denuncia contra D.E. Segun D.E., na Januari 2023, el a wordo deteni y S. tabatin miedo cu e lo papia y tur esnan den e grupo di hack lo a wordo deteni. Esey segun D.E., tabata momento cu S. a haci denuncia na September 2023 contra D.E. Hues a bisa cu S. a bisa cu el a warda asina hopi pa entrega keho contra D.E. pasobra e tabata pendiente si D.E. lo publica potretnan di S. y su ruman sunu. Hues a bisa cu S. a declara na Polis cu e motibo cu el a bay topa cu D.E. ta pa D.E. mira cu e ta un persona normal y pa stop di haci loke D.E. tabata haci cun'e. S. a declara na Polis cu e no tabatin intensión di tin relacion sexual cu D.E. El a splica cu nan tabata na beach y ora cu S. a bay baña, D.E. kier a bay feita S. na su parti intimo. S. a bisa cu e no tabata kier y tabata sinti incomfortabel. Ora cu Hues tabata bisa esey, por mira cu S. tabata yora. Segun D.E. esey no ta berdad. El a bisa cu tur esey ta inventa door di S. cu tabatin tur e tempo pa planea esey.

Hues a sigui bisa cu S. a declara cu D.E. tabata kier a penetr'e y e no tabata kier. D.E. a purba tog y S. a sinti hopi dolor y a grita no y a cuminsa yora. El a bisa tambe cu e tabata purba cera su pianan y D.E. tabata tene su pianan habri. Segun D.E.D na momento cu S. a cuminsa yora, el a stop y cos no a bay manera S. a bisa.

MENSAHENAN CHANTAGEA

Hues a muestra cu tin mensaheenan whatsapp di D.E. na S. caminda el a bisa: "I will have my hands on you before you expected". Segun D.E., esey ta un modus operandi cu Hackers ta usa. El a splica cu S. sa di esaki y ta haci chat coordina entre dos persona banda di otro y asina crea un chat cu no ta real. Hues a sigui bisa cu tambe tin mensahe di D.E. cu ta bisa cu e mester caba loke el a cuminsa aña pasa. Segun D.E., el a manda mensahe pa S. pero cu S. a cambia e text y haci manera cu S. ta wordo chantahea.

NFI NO POR A INVESTIGAR YAMADA DI TELEFON

Hues a muestra cu tin combersacion di S. cu un homber. Hues a puntra D.E. si ta e. El a nenga. Hues a muestra cu den combersacion ta scucha S. bisa cu a viol'e y e persona a bis'e cu e lo bolbe hacie. Segun D.E., esey tabata un forma coordina di graba cosnan y pasa na telefoon manera cu ta un combersacion tin entre dos persona. El a remarca pakico e otro persona tabata papia hopi abao. Hues a muestra den combersacion ta scucha e persona bisa cu el a chantahea y viola. El a pidi sorry y cu e lo kita tur e potretnan di S. El a bisa cu e no ta asina. Hues ta haya cu aki por scucha claramente cu ta admiti. Hues a bisa cu NFI a haci investigacion pa mira si ta reconoce e stem pero NFI a bisa cu no por haya comparacion di e stem cu esun di E.D.

Segun D.E., el a wordo chantahea door di S. na 2021 y a duna S. hopi placa pa no haci denuncia contra dje. El a remarca, pakico S. ta bay tuma placa di un hende cu lo a viol'e. El a bisa cu e tin copia di e transaccion di placa.

Hues a remarca cu esey no ta suficiente prueba.

HACK Y CHANTAGEA DOS DAMA

Hues sigui cu e dama B., kende a bira victima di D.E. entre Januari 2023 y Februari 2023. B. a declara na Polis cu e conoce D.E. na 2015 y na 2016, D.E. a manda virus y hack su celular. B. a bisa cu el a wordo chantahea door di D.E. cu e lo publica potretnan di B. E situacion a bira asina serio cu B. hasta kier mata curpa. D.E. tabata pidi potretnan y video sunu di B. sino lo publica e potretnan cu e tin cu informacionnan. D.E. a bisa Hues cu e grupo di hack tabata ocupa cu B. y na 2017 el a forma parti di grupo y a cuminsa chantahea B. tambe. El a bisa cu e tabata haya orden promer pa haci chantahe pero na Februari 2022 el a cuminsa haci di su mes. Ariba pregunta di Hues, D.E. a admiti cu el a haci di mas y causa hopi daño na B. Segun D.E. e intension tras di esaki tabata pa D.E. haya su placa.

E otro victima tabata e dama T. El a declara na Polis cu na Jan 2021 lo a haya contacto cu un persona "Gues More". E persona lo a bisa cu e tin potretnan sunu di T. cu ningun hende tin. El a forza T. pa manda potretnan sunu sino lo bay publica e potretnan cu e tin. Na September 2022, T. a haya mensahe di un persona cu un otro nomber y via su famia a bin haya sa cu ta D.E. E.D. a bisa Hues cu e ta admiti cu el a chantagea T. cu e tin potretnan y informacionnan cu e por uza contra dje. D.E. a bisa Hues cu Gues More ta un account cu mas hende den e grupo di hack ta usa y tambe el a usa. E intension tabata pa chantahea pa placa of pa otro cosnan. Segun D.E., e tabata concentra mas riba victimanan den Caribe. El a bisa Hues cu na dado momento el a sali for di e grupo pasobra e tabata haya cu nan tabata hopi bruto y tabata pone T. yora. El a admiti cu e tambe a bay mucho leu y ta duel'e loke el a haci cu T.

DEMANDA DAÑO

Ta asina cu e dama S. na Hulanda a demanda 28.674 florin na daño material pa tur e tratamento cu e mester a sigui na Hulanda. Tambe el a demanda 84 mil florin di daño

inmaterial door cu el a keda afecta y awor mester haci 1 aña extra di estudio na Hulanda.

E dama T. a demanda 25.790 florin na daño cu ta encera entre otro tur e tratamento cu e ta hayando.

Hues a remarca si D.E. ta realiza cu e tabata haci hopi malo. Segun D.E., el a realisa na dado momento cu e tabata haci malo. Hues a remarca cu D.E. tabata pone e damanan sufri y tog tabata sigui. D.E. a bisa Hues cu mester corda cu no ta e so tabata manda mensahe sino e otro nan di e grupo. Hues a remarca cu ta di lamenta cu D.E. ta papia di un grupo di hack pero no tin nada mas di e grupo aki. Segun E.D., el a duna Land-recherche informacion di e grupo pero no a haci nada. El a bisa cu Hulanda, Australia y otro paisnan, ta na altura di e grupo aki. El a expresa cu e no ta bay compromete su mes.

FISCAL A EXIGI 5 AÑA DI PRIZON

Fiscal a bisa cu e victimanan a sufri pa hopi tempo door di D.E. y nan a keda afecta. E acusado tambe mester haya tratamento pa su problema mental. Fiscal a cuestiona e forma con D.E. tabata hack y forza e victimanan pa manda potret sino lo publica potretnan riba media.

Apesar cu e victimanan tabata roga D.E. pa stop, e no tabata haci caso. Fiscal a tuma D.E. na malo pa su actitud. Fiscal a tene cuenta cu psicologo y psychiater cu ta bisa cu D.E. ta menos responsabel pa su actonan door di su problema mental. Fiscal ta haya cu mirando e seriedad di e caso, no tin espacio pa castigo combina pa D.E. haya tratamento. Fiscal a bisa cu ora D.E. Sali liber e por sigui tratamento. Fiscal a existi 5 aña di prizon pa D.E. Subsidiario Fiscal a bisa cu si Hues ta haya cu castigo combina, por pone e tempo di prueba te 10 aña. Fiscal a aproba e demanda di S.

Hues a sera tratamento di e caso y a bisa cu e mester mas tempo pa studia e caso. El a bisa cu 24 April 8.15, e lo cera tratamento di e caso y di biaha lo tin sentencia.

Parlamentario Ing. Carlos Bermudez:

“Respet pa sindicato no ta sinonimo di silencio”



ORANJESTAD (AAN)-Parlamentario di AVP, ing. Carlos Bermudez a expresa claramente cu e tin hopi respet pa sindicatonan, pero cu respet no ta sinonimo di silencio. Ora tin inconsecuencia of dobel moral, mester menciona esey sin miedo y cu tur transparencia. Bermudez a tuma nota cu diaranson ultimo sindicatonan a organiza un demostracion cu borchinan cu frase “Wij kunnen zelf”. Riba un momento caminda

nos mester muestra unidad dentro di Reino Hulandes. Loke a muestra ta hustamente desunion. E tipo di accion aki no solamente ta irresponsabel, pero tambe ta manda un señal politico cla: en bes di uni pueblo, ta dividi; en bes di representa tur trahador, ta sirbi un interes selectivo.

E tema HOFA ta y semper lo ta un asunto estrictamente politico. No ta y nunca lo bira un tema laboral. Pretende contrario ta simplemente confundi pueblo. Durante pandemia na 2020, ora Hulanda a extende un man di yudansa pa Aruba, no tabata ni un sindicato dilanti oficina di Gobernador of VNO cu borchin cu palabra di reconocimiento\gradicimento. Tampoco esey tabata di spera, pasobra e tema tabata politico. Pero e contraste cu situacion actual ta muestra un falta di coherencia.

Na 2024, ora gabinete Wever-Croes II a anuncia cu tin surplus, pero riba 4 di juni 2024 a firma un Bestuurlijk Akkoord cu ta habri caminda pa un Rijkswet, sindicatonan a keda completamente den silencio. Ni un critica, ni un manifestacion, ni un posicion. Nan no a lanta un borchin cu frasenan manera “NEE aan Bestuurlijk Akkoord”. Esaki no ta casualidad, esaki ta selectividad. Ademas, ora Gabinete Wever-Croes II a gaba publicamente, via IslaOnline y den varios conferencia di prensa, cu e firmamento di e Bestuurlijk Akkoord lo trece 16 miyon adicional den caha di gobierno, sindicatonan tampoco a cuestiona e contradiccion di a sigui cu e Rijkswet mientras cu tin surplus. Nan no a defende interes laboral den e momento ey. Nan no a puntra si por a uza e recu-

erso ey pa crea empleo, pa mehora servicio, ni pa beneficia trahadornan. Esaki si tabata nan rol, pero nan a keda completamente keto.

Ainda mas, ora a expresa cu e Rijkswet tabata negocia pa 90%, a reina un silencio total. Ningun voz, ningun resistencia. Esaki ta confirma cu nan accionnan no ta basa riba principio, sino riba conveniencia.

Loke ta mas preocupante, segun Bermudez, ta e echo cu despues di 28 maart 2025, ora gabinete AVP-FUTURO a asumi responsabilidad, diripiente e sindicatonan “a spierta”. Awor si nan ta protesta, awor si nan ta papia, awor si nan ta mete den politica. Esaki ta un señal evidente cu neutralidad no ta existi y cu tin un color politico claramente presente.

Sindicatonan tin tur derecho pa expresa nan opinion—esey no ta dis-

cusion—pero credibilidad bo no ta gana cu solamente demostracion, bo ta gana cu consistencia. Y bo ta falta di consistencia y coherencia, confianza automaticamente ta bay perdi. Fraccion AVP ta mantene su posicion firme: nos lo warda consehonan di Raad van Advies (Aruba) y Raad van State (Hulanda) prome cu trece cualkier conclusion definitivo.

Durante e reciente reunion cu e sindicatonan, nan a sali expresa cu nan NO ta liga na un partido politico. Bermudez ta spera cu esaki ta e caso y lo monitoria e punto aki pasobra accion di pasado pa cu proceso di Rijkswet a laga un duda. Por ultimo, Parlamentario Bermudez a indica cu “si bo ta fanatico di Rood-Kapje, lo bo mira e wolf semper como e culpabel; aunke e realidad por ta completamente diferente.

Awe ta Dia Mundial di Down Syndrome

Inclusion no ta un favor, e ta un derecho

ORANJESTAD (AAN): Awe, riba Dia Mundial di Down Syndrome, laga nos reafirma nos compromiso. Nos ta celebra bida, talento y luz di tur persona cu Down syndrome, y nos ta honra e famianan, maestros, y cuidadornan, kendenan tin mester di hopi amor, pasenshi y forsa pa cuida, yuda y proteha nos ciudadanonan cu e condicion aki.

Cada aña, riba Dia Mundial di Down Syndrome, mundo henter ta uni pa crea mas consciencia y comprension tocante Down syndrome. Na Aruba, e dia aki no mester pasa manera un celebracion simbolico so, pero como un momento serio di reflexion y accion concreto. Ta tempo pa nos como un comunidad uni, mira mas profundo con nos sociedad ta trata, apoya y integra e personanan cu Down syndrome den bida diario. A pesar di e pasonan positivo cu a tuma den añanan cu a pasa, ainda tin hopi reto.

Tur mucha mester ricibi e guia y recurso necesario pa nan

por desaroya nan potencial completo. Sistema di educacion inclusivo mester bira un prioridad, unda cada mucha, sin excepcion, ta sinti su mes balora y capas. Inclusion no ta un favor na nos muchanan special, e ta un derecho cu nan tin.

Den mercado laboral, mundialmente oportunidadnan ainda ta limita. Personanan cu Down syndrome tin talento, disciplina y un deseo sincero pa contribui. Sin embargo, falta di oportunidad structural ta laga hopi di nan keda na banda. Sectornan y organizacionnan tin un rol crucial pa crea espacio pa diversidad. Esaki no solamente ta corecto moralmente, pero tambe e ta fortalece e meta social y economico di nos mundo henter, tambe di Aruba.

Den sector di salud, inversion continuo ta esencial. Famianan mester sinti cu nan no ta nan so. Apoyo profesional, terapia y orientacion mester ta accesibel y consistente. Un comunidad fuerte ta un comu-



nidad cu ta cuida di tur su miembronan.


Pero talves e reto mas grandi ta e mentalidad social. Inclusion real ta cuminsa cu respet, comprension y aceptacion. Ora cu comunidadnan move for di e fase di ignorancia of falta di conocimiento, nos

ta avansa pa celebracion di diversidad. Personanan cu Down syndrome no ta defini pa nan condicion, nan ta individuonan cu personalidad, talento y un valor inmenso pa aporta.

Henter comunidad, gobierno, sector priva, y institucionnan

educativo mester traha hunto. No ta suficiente pa papia di inclusion. Nos mester practica e tur dia. Un Aruba realmente fuerte ta uno unda tur persona tin su luga, su bos y su oportunidad. Pasobra ora tur persona ta wordo balora, nos comunidad henter ta bira mas fuerte, mas humano y mas uni.

Minister di Husticia a celebra e di 57 aniversario di Inmigracion Aruba



Celebracion di nos Identidad na Biblioteca Nacional Aruba

ORANJESTAD (AAN): Durante un momento yena cu orguyo, Minister di Husticia mr. drs. Arthur Dowers hunto cu Minister di Husticia di Sint Maarten mr. Nathalie Tackling a haci un bishita oficial na Immigration Aruba pa conmemora su 57 aniversario, marcando casi seis decada di dedicacion na proteccion di nos frontera y servicio na comunidad.

Na 19 di maart 1969, Aruba a marca un paso historico ora e prome oficial di inmigracion den rango civil, Joy Fingal, a cuminsa traha como immigratieambtebaar. Durante e periodo ey, e servicio di inmigracion tabata cay bao di Cuerpo Policial Aruba Sectie Vreemdelingenpolitie Luchthaven y gradualmente tabata hinca mas personal den rango civil como funcionario publico di inmigracion, pero resortando keto bay bao di Cuerpo Policial.

Cu tempo, e organizacion a sigui adapta na e demanda di un mundo biahero dinamico. Dia 1 di september 2002 a saca Sectie Vreemdelingenpolitie Luchthaven for di KPA y a bira Departamento di Inmigracion y Naturalisacion Aruba (DINA), integrando tambe Directie Openbare Orde en Veiligheid (DOOV) y Cuerpo Policial (seccion di naturalisacion). Na 2006, a restructura DINA den dos entidad importante:

Instituto Alarma y Seguridad Aruba (IASA) y DIMAS, fortaleciendo asina e sistema di siguridad y maneho migratorio di Aruba. E tempo ey IASA tabata consisti di Migracion, Guarda Nos Costa y Radar, pero na 2009, a kita Radar for di IASA y na 2011 Guarda Nos Costa a pidi pa resorta bao di KPA. Dies aña despues, e institui Inmigracion como departamento riba su mes.

Durante e celebracion, Minister Dowers a expresa su gratitud profundo na tur empleado cu ta contribui tur dia na construccion di un institucion fuerte y respeta. Minister Dowers ta reconoce e falta di personal na Inmigracion y a informa tur presente cu ya ta trahando riba e proceso pa recluta un grupo di candidato pa e opleiding di inmigracion cual pronto lo inicia. Inmigracion Aruba ta un pilar esencial den garantisa siguridad, estabilidad y confiansa pa nos pais y apesar di tur cos, e personal ta traha cu hopi dedicacion.

Inmigracion Aruba ta sigui move den un direccion strategico, enfoca riba eficiencia, innovacion y un servicio cu ta responde na e necesidadnan di biaheronan. E aniversario aki no solamente ta un momento di reflexion, pero tambe un recordatorio cu e trabao ta continua, cu un vision cla pa futuro.



ORANJESTAD (AAN): Diamars, 24 di maart 2026, di 6.30-9.00 p.m. lo tin un actividad cultural den cuadro di "Celebracion di nos Identidad pa Recorda, Reconoce y Conmemora" na Biblioteca Nacional Aruba, George Madurostraat 13, Oranjestad. Ta un anochi special cu un programa excepcional presenta pa e proyecto 'E Testigo Silencioso' di Fundacion Museo Arubano, Astrid Britten di Biblioteca Nacional di Aruba, Departamento di Cultura Aruba y Gestor Cultural Mirto Laclé. Un anochi multidisciplinario cu presentacion di charla, documental, declamacion, musica y canto pa 'Recorda, Reconoce y Conmemora'. Como invitado special lo ta presente for di Hulanda, antropologo drs. Maria Karg cu lo duna un charla encuanto su obra literario *Stil Verleden*.

Lo duna reconocemento na Maybelline Arends-Croes pa 50 aña y mas di su trayectoria y trabou promoviendo cultura y folklore di Aruba a traves di musica, canto y tambe documentacion di musica pa e futuro generacionnan di Aruba. Lo duna reconocemento na dr. Wim Rutgers cu a haci diferente investigacion di literatura y a establece e fundeshi pa Literatura di Caribe. Dr. Wim Rutgers lo ricibi e premio pa literatura "Premio Literario Ernesto E. Rosenstand-2026". Lo celebra Dia Internacional di Poesia cu declamacion di ganadornan di Poeta Patria, Marilis Becker y Aurelia Croes. Lo reconoce baluarte, Maybelline Arends-Croes pa su trabou inmenso pa cultura musical di Aruba, pa interpretacion y celebracion di e Himno di Aruba, *Aruba dushi*

tera, cu e aña aki ta celebra 50 aña. Baluarte dr. Wim Rutgers ta ricibi reconocemento pa un trabou di investigacion y documentacion di literatura di Aruba, Boneiro, Corsou, Surinam y mas. Esaki pa mas di 50 aña. Gruponan musical bou di guia di Maybelline Arends-Croes, 'The Young Voices' y 'Masculino' (voznan masculino) hunto cu un solista lo ta presente pa deleita publico cu nan canto. E musiconan Pepe Gonzales, Max Hassel, Jorzinho Schlipken y Johnny Scharbaay lo acompaña e cantantenan. Drs. Mirto Laclé lo duna un introduccion di 'Celebracion di nos Identidad'. Bin celebra hunto cu Biblioteca Nacional Aruba. Entrada ta gratis. Pa informacion adicional por tuma contacto cu co-organizado Mirto Laclé, 7426274.

Robert Candelaria a gradua cum laude cu maestria den Governance & Leadership

ORANJESTAD (AAN): Secretario General di Ministerio di Asuntonan General, Robert Candelaria, a completa cu exito su programa di maestria den *Governance & Leadership*, obteniendo e titulo di *Master of Arts* na facultad di Arts and Science, cum laude. E logro academico aki, celebra den presencia di Prome Minister Mike Eman, hunto cu famia, colega y otro invitadonan, kende a acompaña Candelaria durante defensa di

su tesis y posteriormente a felicite cu su exito. E maestria den Governance & Leadership ta enfoca riba fortalecimiento di capacidad strategico y liderazgo den sector publico, algo cu ta fundamental pa desaroyo institucional y gobernacion eficaz. Durante e ocasion, a resalta e dedicacion, disciplina y compromiso di Candelaria cu su formacion profesional, combinando su rol den servicio publico cu estudio academico



di nivel superior.

Durante e ocasion, a resalta e dedicacion y perseverancia di Candelaria, kende a logra completa su estudio na un nivel sobresaliente. E ceremonia a culmina den un ambiente di orguyo y reconocimiento, unda tur presente a felicita Robert Candelaria pa su logro academico y compromiso cu su desaroyo personal y profesional.



Minister Wever ta felicita Santa Rosa, Comision Pro Cunukeronan Arubiano y tur stakeholder pa un mercado exitoso

***Ta invita pueblo pa bishita e proximo mercado 21 maart**

ORANJESTAD (AAN): Minister di Finansa, Asunto Economico y Sector Primario, mr. Geoffrey Wever, ta felicita Santa Rosa cu a organisa e mercado, Comision Pro Cunukeronan Arubiano cu a uni kende ta un bos importante den sector primario, tur stakeholder y vendors pa un mercado exitoso, un bes mas. Tambe, Minister Wever ta invita pueblo di Aruba pa bishita e siguiente mercado di Santa Rosa cu lo tuma lugar diasabra awor, maart 21. Desde 7 maart, e mercado di Santa Rosa ta sigui tuma lugar tur siman, manera a anuncia. Esaki a bin na vigor, despues di a combersa cu

varios stakeholder importante den sector primario, na unda nan a indica e deseo y importancia pa tene e mercado cu mas frecuencia. Considerando e popularidad di e mercado, e bienestar di e sector y e deseo di e stakeholdernan, Minister Wever a tuma stapnan di biaha pa realisa e deseo aki den algo concreto y awor pueblo di Aruba por disfruta di e mercado di Santa Rosa tur siman. E mercado di siman pasa, 14 maart tabata uno bon bishita y un exito. 26 bendido a bini hunto y participa na e mercado, esaki ta demostra e importancia di bini

hunto como un sector y por wak e exito di mercado como consecuencia positivo. E sector primario ta importante, y ta un sector di enfoke pa e ministerio di Minister Wever. Na e mercado di Santa Rosa, pueblo por disfruta di cumpra varios producto fresco y local. Participando den e mercado aki como un consumidor, bo persona ta aportando na e economia local di Aruba, y tambe e cunukero y agricultornan di nos isla. E mercado aki lo tuma lugar 3 siman na Santa Rosa y un siman na Plaza Lolita durante Pop-Up Market na San Nicolas.

Ta importante tambe pa comparti cu si bo persona kier participa cu bendemento di producto na e mercado di Santa Rosa, registra na tempo ya cu espacio ta limita. Minister mr. Geoffrey Wever ta felicita Santa Rosa pa e bon trabou di organisa e mercado, Comision Pro Cunukeronan Arubiano, stakeholders y tur esnan cu a participa, pa e trabou dedica cu nan ta eherciando y pa e apoyo cu nan ta duna na e sector primario. E sector primario ta forma un parti integral di

nos cultura y nos economia. Ta invita pueblo henter pa bishita e Mercado di Santa Rosa diasabra awo, 21

maart y forma parti di crea un impacto positivo den nos economia y nos comunidad.



Riba fecha natalicio di prome Minister President di Aruba:

Stampia conmemorativo dedica na Jan Hendrik Albert 'Henny' Eman



ORANJESTAD (AAN): Na ocasion di natalicio di Jan Hendrik Albert 'Henny' Eman, Post Aruba NV a presenta awe mainta un stambia conmemorativo na su honor, resaltando su legado como e prome Minister President di Aruba y arkitekto di su desaroyo moderno. Durante e conferencia di prensa, a destaca cu Henny Eman, como prome Prome Minister di Aruba, a guia e isla den un momento historico di transformacion na 1986, ora Aruba a bira un pais riba su mes dentro di Reino Hulandes. Su liderato tabata caracteriza pa calma, cu determinacion y un vision firme pa futuro di e pais.

E transicion aki a tuma luga den un periodo di gran reto economico, despues di ciere di refineria Lago. Sin embargo, Eman a logra re-posesionar Aruba internacionalmente, cu enfoka riba turismo como motor principal di economia. Entre su logronan a destaca e introduccion di facilidad di pre-clearance cu Merca na 1989, convirtiendo Aruba den prome pais den Caribe cu e facilidad aki.

Ademas di desaroyo economico, Eman a pone enfasis riba capital humano. Bou di su liderato, a amplia oportunidadnan educativo pa hoben, incluyendo fortalecimiento di educacion superior y reapertura di universidad na Aruba.

Su filosofia di gobernacion tabata basa riba igualdad y husticia social. E introduccion di cobertura medico general pa tur residente a marca un paso importante den garantia di cuido y dignidad pa tur ciudadano.

E liderazgo di Eman tabata caracteriza pa confiansa, respe y empoderamento, convirtiendo su persona no solamente den un lider politico,



sino tambe un ehempel moral den servicio publico. E diseño di e stambia, crea pa artista Nigel Matthews, cu a incorpora un retrato central di Henny Eman y elemento simbolico manera e bandera di Aruba, representando continuidad, liderazgo y identidad nacional.

Durante su discurso, den presencia di invitadonan y coleganan, Minister Geoffrey Wever, Minister Rene Herde, Minister Mervin Wyatt-Ras, Minister Gerlien Croes como tambe miembronan di parlamento y famia Eman, Prome Minister Mike Eman a comparti reflexionnan cu a duna un dimension personal profundo na e ceremonia. Como ruman di Henny Eman, el a enfatisa cu tras di cada lider tin un historia humano y di famia.

Eman a recorda con su ruman a asumi responsabilidad na un edad hoben, interrumpiendo su estudio pa yuda cu su famia despues di fayecimento di nan tata. Segun e Prome Minister, momentonan asina ta revela e caracter di un lider.

El a subraya cu Henny Eman no solamente a responde na un yamada familiar, sino tambe na un yamada historico, ora el a asumi liderazgo di un partido politico den crisis y posteriormente guia Aruba den un periodo decisivo di su historia.

“E momento di reconocimiento ta duna nos forsa pa sigui cumpli cu e tarea cu nos

tin dilanti,” Eman a indica, enfatisando e importancia pa generacionnan nobo reflexiona riba e sacrificionan y contribucionnan di e lidernan cu a bin prome.

E ceremonia tin un dobel significado: nacional, pa honra un lider historico, y personal, pa un familia cu a comparti su bida cu pueblo Arubano.



Encuentro cu coredonan di Drift Madness enfoca riba desaroyo di motorsport na Aruba



ORANJESTAD (AAN): Prome Minister Mike Eman a ricibi recientemente na Bestuurskantoor un delegacion di piloto profesional di drifting, den un encuentro enfoca riba e desaroyo y futuro di motorsport na Aruba. Entre e presente tabatin piloto internacional manera Chris Jackson, Ryan Kaufman y Bill Stenger, hunto cu talento local Jason Fun. Tambe tabatin presente Vice-Prome Minister y Minister di Deporte, Gerlien Croes.

E encuentro a tuma lugar despues di e evento *Monster Motor Madness*, unda e deportenan di drift a logra atrae atencion tanto local como internacional. Durante e reunion, e parti nan a intercambia pensamento riba e potencial di Aruba pa sigui desaroya motorsport como un actividad structura y sigur.

Prome Minister Eman a subraya e importancia di crea oportunidadnan pa hoben cu interes den deporte tecnico manera drifting, pero semper den un marco di seguridad y organisacion profesional.

“Nos kier duna espacio pa talento local por crece den un ambiente sigur y responsabel, mientras cu nos ta mira tambe con nos por posiciona Aruba como un destino pa motorsport den region,”

Eman a expresa.

Durante e combersacion, tambe a menciona e necesidad pa infraestructura adecua pa drifting, mirando cu e deporte ta exige espacio y facilidadnan specifico pa por practica na un nivel profesional.

E pilotonan internacionalnan a comparti nan experiencia y a expresa nan entusiasmo riba e potencial cu Aruba tin pa sigui desaroya e deporte aki, tanto pa competicion como pa atraccion turistico.

Gobierno di Aruba, hunto cu e sector deportivo, lo sigui explora posibilidadnan pa fortalece motorsport na e isla, cu enfoca riba seguridad, desaroyo di talento y oportunidad economico.



Minister Geoffrey Wever:

30 aña di FIU Aruba – Un pilar den integridad financiero y estabilidad economico

ORANJESTAD (AAN): Minister di Finansa, Asunto Economico y Sector Primario, mr. Geoffrey Wever, a participa na celebracion di e 30 aña aniversario di Financial Intelligence Unit Aruba (FIU Aruba), unda el a enfatisa e rol crucial cu e institucion ta hunga den proteccion di integridad financiero di Aruba.

Desde su establecimiento na 1996, FIU Aruba a evoluciona di un institucion cu tabata procesa algun ciento di transaccionnan sospechoso pa un organizacion cu awe ta recibi mas di 55,000 reporte pa aña. E desaroyo aki ta refleha e crecimiento di complehidad y escalacion di fluho financiero den un mundo cu ta biraando mas internacional.

Den su discurso, Minister Wever a enfatisa cu den un economia global unda transaccionnan ta move mas rapido y bira mas compleho, FIU Aruba ta hunga un rol esencial den identifica, analisa y comparti informacion financiero, particularmente den combate contra labado di placa, financiamiento di terrorismo y proliferacion.

Minister Wever a indica cu e trabou aki no ta solamente importante pa ley y orden, pero tambe tin un balor stra-



tegico grandi pa reputacion y estabilidad economico di Aruba. Como un economia chikito y habri, Aruba ta depende hopi riba confiansa di partnernan internacional, inversionistanan y institucionnan financiero.

Un sistema robusto pa proteha integridad financiero, segun Minister Wever, no ta un luho, sino un necesidad absoluto.

Den e contexto aki, Minister Wever a referi na e standardnan internacional establece pa Financial Action Task Force (FATF), cual ta guia paisnan mundialmente den identifica y maneha riesgonan relaciona cu labado di placa y financiamiento ilegal.

Aruba a logra resultado significativo den e area aki. E resultado di e evaluacion mutuo di CFATF na 2021 a

confirma cu Aruba ta entre e paisnan den region cu un resultado excepcional, hunto cu otro paisnan manera Bermuda y Belize. Segun Minister Wever, esaki ta un logro importante pa cual Aruba por sinti orguyoso di dje.

Sinembargo, Minister Wever a enfatisa cu un evaluacion positivo no ta un punto final, sino un responsabilidad pa sigui mehora. Cu e proximo evaluacion programada pa 2029, a indica cu preparacionnan mester cuminsa awor mes.

Den e marco aki, Minister-President y Minister Wever a tuma e decision pa posiciona coordinacion nacional di politica AML/CFT na FIU Aruba. E decision aki ta reflecta e confiansa di Gobierno den experiencia y posicion internacional di e institucion.

Door di fortalece coordina-



cion nacional, Gobierno tin como meta pa mehora colaboracion entre tur actor relevante, incluyendo gobierno, toezichthoudernan, servicio di investigacion y sector priva, pa proteha integridad financiero di Aruba di manera mas efectivo.

Minister Wever tambe a resalta cu FIU Aruba, bow di liderazgo di señor Angelo Brete a logra posiciona su mes internacionalmente den ultimo añanan, participando activamente den rednan global y contribuyendo na intercambio di conocimiento den region y mas alla.

Finalmente, Minister Wever a pone enfasis riba e factor humano tras di e institucion, reconociendo e trabou di analistanan, specialistanan y profesionalnan cu ta contribui diariamente na identifica patronnan financiero compleho



y riesgonan scondi.

El a expresa su aprecio y respet pa nan dedicacion, señalando cu nan trabou ta fundamental pa Aruba sigui mantene su reputacion internacional.

Na clausura, Minister Wever a felicita directeur di FIU Aruba señor Angelo Brete y tur empleado di FIU Aruba — tanto actual como anterior — cu e logro di 30 aña di existencia, describiendo esaki como no solamente un momento pa reflexiona riba pasado, pero tambe pa mira pa futuro cu confiansa, ambicion y determinacion.

Aruba Convention Bureau ta lansa prome proyecto di CSR di 2026 hunto cu un grupo di huesped

ORANJESTAD (AAN): Aruba Convention Bureau (ACB) ta anuncia cu hopi placer nan prome proyecto di Responsabilidad Social Corporativo, esta Corporate Social Responsibility (CSR), pa 2026, como parti di e campaña continuo di CSR di ACB. Pa medio di e iniciativa aki, Aruba Convention Bureau ta sigui anima organisacionnan y gruponan cu ta bishita Aruba pa participa activamente den proyectonan cu ta contribui na fortalecimiento di nos comunidad local.

Recientemente, e grupo incentivo Indiana Constructors, cu 275 participante y cu tabata hospeda na Hyatt Regency Aruba Resort, a participa den un actividad di CSR practico na Centro di Barrio Savaneta. E proyecto a enfoca riba tra-

bounan di mantenemento y renobacion di e speeluin, creando un ambiente mas sigur pa mucha y famianan di e barrio.

Representantenan di ACB a bishita e grupo personalmente pa expresa nan agradecimiento pa e apoyo brinda y pa reconoce nan compromiso cu duna bek na Aruba. E iniciativa aki ta un bon ehempel di con turismo por contribui no solamente economicamente, pero tambe socialmente, creando un impacto positivo pa e isla y su habitantenan.

E proyecto tabata posibel danki na cooperacion di Cede Aruba y De Palm DMC, e compania di maneho di destino di e grupo. Durante conversacionnan cu Richard Hedgecock, Presidente di Indiana Constructors, y



tambe cu Laura Jackson, Senior Project Manager, y Andria Hine, ACB a wordo agradabelmente sorprende pa e orguyo cu e boluntarionan a muestra pa nan donacion di mas cu USD 6,000 na material y pa dedica cuatro ora di nan biahe incentivo na servicio comunitario practico.

Ademas, durante un di e recepcionnan, e grupo a participa den un actividad di pin-



tura en bibo, unda un artista local a crea un pintura inspira pa e turtugan di Aruba. Na final di e anochi, e pintura a wordo subasta, y e grupo a logra recauda USD 6,000 adicional, cu a wordo duna como donacion na Fundacion Centro Famia Piedra Plat.

Bastante di e participante nan tabata bishitando Aruba pa prome biaha. Sr. Hedgecock a resalta e hospitalidad caluroso di chauffeurnan di taxi, personal di hotel y e comunidad local, cu a haci

nan bishita realmente memorabel. E deseo di e grupo pa duna bek y laga e isla bunita manera nan a hay'e ta alinia perfectamente cu e vision di A.T.A. pa turismo responsable y cu impacto.

Pa ACB, e proyecto di CSR aki ta representa un exito inmediato y significativo. Un demostracion cla di con turismo por impulsa crecimiento social, fortalece conexion comunitario y crea un impacto positivo y duradero mas aya di e experiencia di huesped.

Pasadia Briyo di Solo a celebra Dia Nacional na un manera unico den bustrip


*Conociendo mas nos dushi Aruba

ORANJESTAD (AAN) -- Dialuna 16 di Maart, Pasadia Briyo di Solo a disfruta di un bustrip, den cual nan a bay keiro rond Aruba, bishitando diferente lugá y asina conoce mas di nos dushi isla Aruba.

Lugarnan cu nos a bishita tabata: Lighthouse, Arashi, Ayo Rockformation Natural Bridge y hopi mas.

Di parti di Centro Man Na Obra, Pasadia Bibito Pin y Pasadia Briyo di Solo, riba Dia di Himno y Bandera, celebrando su di 50 aniversario, y 40 aña do Status Aparte di Aruba, tabata tin

Weganan cu Centro Man Na Obra a haci: Ranca cabuya Piscamento Core den trein Lora e wiel, Core cu taira.





RESULTADO DI SORTEONAN PA CORTESIA DI CADENA ALEXANDER

DIABIerna 20 MAART 2026

DIARIO							
4973	2862	MERDIA	ANOCHI	MERDIA	ANOCHI	4916	CANCER
2294	0013	5754	8006			8959	
0832	7984	9340	2921			VIRGO	
		0392	1928				
		MULTI- X					
		X2		FP			
							
MERDIA	ANOCHI	MERDIA	ANOCHI	MERDIA	ANOCHI	4750	
6879	5433	535	583	8301	5172		
		X2		FP			
		02-11-14-28-30					

BUSCA PALABRA

U P A L M B E A C H T I
E S L D E A I E F R A F
Y U A S A B E O E G N I
M R R N A A N S A R I S
A F A M B I T P S A L H
N S S D A R A R S P A E
G I H R A F E G D E T R
E D I P I G E O O F A M
L E I A D M A M S I C A
H M B O F E N D P E A N
A R R A F P L A L L C H
L C U I B P E S A D O U
T A Y S T Y N D Y A B T
O P U N T A B R A B O S

Mangel Halto	Palm Beach	Rodgers	Baby
Fisherman Huts	Grapefield	Tres Trapi	Arashi
Boca Catalina	Dos Playa	Punta Brabo	Surfside

> SUDOKU <

King Classic Sudoku

6		1	8		3	5	4	
	3	4		5			1	
5	8			6	1		7	
1		6				4		7
	4						2	
3		7		2		6		8
2	6		9		7			
			5	4	8			

Difficulty: ★★★★★ 4-21



Hari Un Tiki

Juanchito na Supermarket no sa ki tipo di detergente pa cumpra pa laba paña. E trahador a yega y puntr'e si acaso ta hopi paña e tin pa laba. Juanchito a bisa: "Nada di paña, mi ta djis bay baña mi cacho." E trahador mesora a bis'e: *"Pero bo no por uza detergente di laba paña pa uza riba bo cacho, e ta poderoso y por haci e animal malo. E por hasta mat'e tambe."* Pero Juanchito no a worry, y a djis piki un caha, a bay na cashier y paga p'e y a bay. Un siman despues Juanchito tabatey atrobe ta cumprando mangel, y e trahador a puntr'e con ta bayendo cu e cacho. *"E cacho a muri"*. E trahador a bira tristo y a bis'e mesora: *"Anto mi a purba di bisabo pa no uza e detergente riba bo cacho."* Juanchito aki a contesta: *"Mi no ta kere ta e detergente a mat'e. Nos ta kere cu ta e 'Rinse & Spin Cycle' di wasmashin ta loke a caba cu su vida."*

Solucion Anterior

7	3	6	5	1	2	8	9	4
2	5	4	8	3	9	6	7	1
9	8	1	7	4	6	5	2	3
4	6	5	1	7	8	2	3	9
8	2	7	9	6	3	1	4	5
1	9	3	2	5	4	7	6	8
6	7	8	4	9	5	3	1	2
3	4	2	6	8	1	9	5	7
5	1	9	3	2	7	4	8	6

Difficulty: ★★★ 4-20

Mini Mega

Diabierna 20 Maart 2026
Sorteo# 1854

02

11

16

22

...Mega Ball: 06

1^{er} Premio: Tin 0 ganador Jackpot
2^{do} Premio: Tin 0 ganador Match 4
3^{er} Premio: Tin 9 ganador Afl. 500,00
4^{to} Premio: Tin 75 ganador di Afl. 50,00
5^{er} Premio: Tin 99 ganador di Afl. 15,00

Jackpot pa e proximo Sorteo di Mini Mega 24Maart 2026
Afl. 380.000,- MEGA PLUS Afl. 580.000,-

EMERGENCIA NA ARUBA

Weekend 21 y 22 Maart 2026

DOCTER NA WARDA

SAN NICOLAS:
Pa San Nicolas, Docter ta na H.A.P. ImSan.
Den weekend di 9:00 am pa 1:00 pm, y di 6:00 pm te cu 10:00 pm.

ORANJESTAD:
Pa Oranjestad, Docter lo ta na Huisartsenpost na Hospital.
Den weekend di 9:00 am pa 1:00 p.m. y di 6:00 p.m. pa 10:00 p.m.

BOTICA NA WARDA

Info cortesia: www.iva.aw

PARIBA DI BRUG:
Botica Aloe NV
Pos Chikito 83
Telefon 584-4606

PABAO DI BRUG:
Botica Eagle
Caya Punta Brabo 17
Telefon 587-9011

DENTISTA NA WARDA

Weekend 21 y 22 Maart 2026



— 21 + 22 Maart 2026 —
Dr. Guido Wever,
Brazil 163.
Telefon: 584-0190

ATENCION: Diasabra y Diadomingo, Dentista na warda lo ta merdia na clinica di 12'or pa 1'or. Bo tin di paga 125 Florin pa consulta. Procedimentonan manera ranca djente lo costa extra.



ALMANAC



Bahada y salida di solo na Aruba

—21 Maart 2026
Solo ta baha: 6:51 p.m.

—22 Maart 2026
Solo ta sali: 6:43 a.m.
Solo ta baha: 6:51 p.m.

—23 Maart 2026
Solo ta sali: 6:43 a.m.
Solo ta baha: 6:51 p.m.



Lista di Crusero di bishita na Aruba

—Diadomingo 22 Mar. 2026:
Celebrity Ascent:
(09:00 - 23:00)

—Dialuna 23 Mar. 2026:
Marella Discovery 2:
(08:00 - 20:00)

—Diamars 24 Mar. 2026:
Norwegian Sky:
(13:30 - 22:30)

Oasis of the Seas:
(08:00 - 23:00)

—Diaranson 25 Mar. 2026:

Observacion di Dia Internacional di Mondí 2026

Mondí y Economía: E Motor Silencioso di Prosperidad



ORANJESTAD (AAN): Dia 21 di maart 2026, Aruba ta uni na e comunidad internacional pa celebra Dia Internacional di Mondí na Ingles yama 'International Forrest Day'. E aña aki, e tema central ta "Mondí y Economía", un topico cu ta resona fuertemente cu nos vision pa un isla mas resiliente y sostenibel. Hopi biaha nos ta mira nos naturalesa y nos mon-

dinan como un bunita decoracion, pero e realidad ta cu nan ta e fundeshi mes di nos economia. Tin otronan ta wak nos mondí como obstaculo y no ta dun'e su balor. Directie Natuur en Milieu (DNM) ta encurasha Aruba henter pa contribui na e dia observa aki door di planta un mata mas den bo cura y sigui muha esaki pa mañan e ta duna su fruta y servicicionan na

e siguiente generacion. Mondí como Infraestructura Económico Na Aruba, nos mondí — for di nos cadushinan y watapananan te na nos matanan di mangel — no ta djis mata. Nan tin nan funcion y ta fungi como un infraestructura económico vital. Mas cu mita di e 'GDP' global ta depende di naturalesa, y Aruba no ta un excepcion. Proteccion contra desastre natural: Nos vegetacion ta proteha nos costa y suela contra erosion y inundacion, ta yuda spaar gastonan enorme di mantenicion di infraestructura despues di yobida fuerte. Turismo Sostenibel: E sector di eco-turismo ta keda crece y ta encurasha. E bishitante di awe ta busca e experiencia di nos flora y fauna unico, locual ta genera cupo di trabou y entrada pa hopi famia aki. Regulacion di Temperatura: Den un mundo cu ta keinta, e kentamento global, e sombra y e fresco cu nos mondinan ta brinda por yuda baha e gasto di

energia (uzo di airco) den cercania di areanan cu mata. Hunto pa un Bio-economia E tema di 2026 ta boga pa un transicion pa un bio-economia. Esaki ta nifica, uza recursonan natural di un manera sabi y inteligente pa reemplasa materialnan cu ta emiti hopi carbono, manera plastic of concret. Na Aruba, esaki ta habri porta pa innovacion den agricultura den mondí, manera ta e caso di 'agroforestry' y e uzo di productonan natural pa medicina, alimento y decoracion, creando asina un economia circular y local. Inverti den Naturalesa ta un Negoshi Sabi E perdida di mondí ta sali caro. Ora nos perde nos matanan indigena, nos ta perde e capacidad pa filtra awa dushi den nos sub-suelo y nos ta aumenta e riesgo di calor extremo. In-

verti den conservacion y den plantamento di mata no ta djis un acto di amor pa naturalesa, sino un decision economico. "Mondinan saludabel ta nifica comunidatnan saludabel y un economia fuerte. Nan ta e columna vertebral pa hopi comunidad rural y un fuente di resiliencia den tempo di crisis economico." Un yamada na accion Awe, riba Dia Internacional di Mondí, nos ta recorda cu cada flor di e cadushi y cada rama di e watapana ta contribui na e bienestar di nos isla. Pa nos economia florece den futuro, nos mester percura pa nos mondinan tambe keda florece. Riba e dia aki planta un mata local den bo cura y asina aporta na un pais cu un economia mas fuerte. Feliz dia internacional di nos Mondí 2026!

Aruba anfitrión di 'CAC Open Water Qualifier' na Mangel Halto

ORANJESTAD (AAN): Aruba Aquatics Federation lo yama bonbini na e miho atletenan, entrenadornan y fanaticada di landamento, cu ta bini di tur parti di region pa e 'C.A.C. Open Water Qualifier', un competencia internacional cu lo tuma lugar na Spaans Lagoenweg riba 21 y 22 di maart 2026.

E evento ta e oportunidad oficial pa atletenan cualifica pa por competi den e 'Central American & Caribbean Games'. E evento ta trece hunto landadornan di diferente federacionnan internacional. E caredanan lo cuminsa pa 8:00 di mainta riba tur dos dia, y bishitantenan ta wordo invita pa yega tempran pa disfruta di e competencia. Lo tin tambe cuminda, bebida y entretenimiento, creando un ambiente anima pa famianan y sostenedornan.

Talento Internacional te bin Aruba

Varios atletenan fuerte di nivel internacional lo competi na Aruba, incluyendo David Farinango Berrú (Ecuador), un atleta Olimpico cu a competi na e Weganan Olimpico na Tokyo na 2020 y na Paris na 2024, y cu awor ta clasifica entre e miho landadornan di open water di e continente Ameri-



cano. Jeison Rojas Portuguez (Costa Rica), cu recientemente a gana oro den e careda di 10K na e Central American Games Guatemala 2025, tambe lo participa.

Puerto Rico lo wordo representa pa e rumannan morochu Jamarr y Jarod Bruno Mason, kendenan recientemente a cumpli nan soñonan di competi hunto na nivel internacional na e Pan American Junior Games. E grupo di Mexico ta inclui Ramses Miranda Vidal, campioen recien di e evento internacional di open water Gran Reto Varadero, como tambe Diego Obele Cisneros y Paulina Alanis Hernandez, tur dos competidornan na e World Aquatics Championships 2025 na Singapore.

Atletenan di Aruba cla pa representa

Aruba lo ta representa orguyosamente pa cinco lan-

dador cu lo competi den e caredanan di 10K: Britta Schwengle, Emma Gobert, Ethan Cunha, Matthew Gobert y Jayrick Winterdal.

Schwengle ta trece hopi experiencia internacional, como cu el a competi na e World Aquatics Championships na 2023 y 2025.

Caredanan di comunidad pa landadornan local

Ademas di e caredanan di cualificacion di nivel elite, landadornan local por forma parti di e emocion, participando na e caredanan di comunidad di 1K, 3K y 3K Knock-Out, dunando landadornan di diferente nivel e oportunidad pa experiencia un evento internacional di open water.

Aviso di ceramento di caminda

Pa garantisar seguridad durante e evento, Spaans Lagoenweg lo ta cera temporalmente for di Faradaystraat te Malohisstraat, for di diabierna 20 di maart pa 6:00 di mainta te diadomingo 22 di maart pa 7:00 di anochi. Aruba Aquatics Federation ta invita e publico general calorosamente pa bin y sostene e atletenan mientras cu ta disfruta di un weekend di deporte y comunidad na un di e sitionan di costa mas bunita di Aruba.

Columna E Sembrado



Diamars 3 maart. Di dos siman di Cuaresma aña 2026 Ciclo A

Calendario Liturgico

Lectura: Jeremias 11, 18-20;

Salmo: 7;

Evangelio: Huan 7, 40 - 52;;

Algun hende den e multitud a tende e palabranan di Hesus y nan a bisa: 'En berdad, e homber aki ta e Profeta!'(Huan 7, 40)

Mi rumannan stima, awe e palabra di Dios ta mustra nos con e hendenan a keda cautiva ora di scucha e palabranan di Hesus. E hendenan a keda asina impresiona cu di biaha nan a bisa cu E ta un Profeta. Mi rumannan awe nos por lesa di e hendenan aki cu tabatin e privilegio di por a wak Hesus, di por a scucha Hesus, di por a keda impresiona cu su enseñansa. E hendenan aki tabatin e privilegio di por tabata den presencia di Hesus y di a keda cautiva pa su manera di papia y splica. Mi rumannan awe nos cu ta lesa loke cu Hesus a papia tambe ta keda impresiona. Hesus su palabranan ta keda cautiva hende y lo sigui impresiona hende te den eternidad. Bo por imagina bo con bendiciona nos cada un ta door di kere sin mira?

Oracion: Tata awe nos ta gradici Bo pa bo Yiu cu Bo a manda p'asina nos por ricibi Su palabra y keda salba. Danki Tata, nos ta yama Bo danki den e nomber di Hesus. Amen.

Grupo Centro Pastoral Aruba

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen

EDISHON DIA NACIONAL 18 MAART 2026

Ki bunita ta ora nos recita poema bao shelo na strea, poema cu amor pa mi Aruba ! Manera na nos nochinan di poesia mensual of cada pasa dos luna organisa pa Basha Foundation Vibration PR, asina Lady Ruth a recita su poema : "Curason di Aruba" bao di su paraplu di canchi blanco, teni pa e gentil cabayero Poeta Luis Enrique Wever, elegantemente bisti den su jacket largo, dilanti un publico grandi riba e pleinchi dilanti Nicolaas Store Kulture Café den curason di San Nicolas diasabra dia 14 di maart ultimo. Un competencia cu 18 participante. Nos a encanta e anochi di poesia aki y a duna di nos curason, no pa wordo premia, pero pa comparti cu pueblo mas amor pa nos dushi isla. Pero....con cu wak of bire e ta keda un competencia cu a hanja oido di nos poetanan pa no a tene e competencia aki den un tent pero den aire liber of den un otro lugar, na unda e

inspiracion por sigui bula den biento hibe pa tur cu tin mester di scucha algo positivo bunita dedica na Aruba. Bunita cu ta bin cada bes mas poetanan hoben nobo aserca cu ta gana den nan prome salida, ta nan tin cu bay sigui carga esaki den futuro. Ta fastioso y hopi laf cu tin participantenan di anjas cu nunca a cay den e premio-nan, nunca a sali ganador den e top 5 pero cu toch ta sigui participa, pasobra nan ta sportief y ta hasjele pa nan dushi isla. Nos a ricibi oido tambe pa e certificado cu e biaha ki tawata placificeerd, pues, proteha pa plastic enves di den un lijshi cu ora bo colge na cas ta habri fey otro kita kay. Awor lo ta nice si nos poetanan participante wordo invita pa come un breakfast of lunch of dinner hunto pa sigui intercambia di pensamentonan poetico como aprecio pa tur mescos, ya cu tur poema ta un bunita obra unico riba su mes, tin biaha

dificil pa huzga. Esey ta nos sonjo pa futuro. Dunando danki na ATA pa e bunita etui cu cositanan leuk den dje y danki na e comishon organisador pa e boeki compila di tur e poemanan participante di e anja aki. Y locual a bin aserca cu un poeta por sali ganador maximo 3 biaha. Lo ta nice pa nan sigui bin tambe, pero como guest star y sigui inspira tur rond di nan cu nan palabranan poetico bunita. Nos a kere cu Jhon Fredy Montonya lo a presenta como guest star, pero esey no tawata e caso, pero ela skirbi un poema super bunita laga Jessica Alexa Croes recite. Jhon Fredy a zona rabia ainda cu Lady Ruth y ta culpa nos di a vocifera pa pueblo cu a fada di e mesun ganador hopi biaha tray otro. Tin hende ta pidi pa Jhon Fredy bin bek como participante, pero pa e no yora ora e hasi fout ,manera ela yega di hasi, den un di e competencianan cu ela hasi fout y bay patras yora y despues subi stage bek. Ora cu coleganan poeta a kere cu un otro lo gana, toch asina mes cu su foutnan ela gana atrobe. Por ta tawata tin un of mas miembro di jurado cu pasa loke pasa ta Montonya tin cu gana atrobe ? Enfin, manera priminti, ata ki nos poema di Poeta Patria 2026. Cu e deseonan pa un dushi celebracion di nos Dia Nacional den famia y den comunidad. Pabien Aruba cu 40 anja Status Aparte y 50 anja di nos Bandera. Hisa bo bandera y keiro rond riba bo dushi isla bishita e diferente actividadnan. Pabien DCA su dinamico team pa un bon Poeta di Patria organisa dilanti Nicolaas Store , danki na Nico Connor pa su dushi musica di steelpan, danki na e incansabel Julie Merencia y Eleen Rasmijn. Pabien na tur e 5 ganadornan merecidamente ! Prensa lo pone nan relato di esaki den corant y on line of DCA mes lo manda nan relato. Capitulo dos di Boneiro ta bini despues cu hopi mas bunita informacion. Awor prome cu atencion pa nos Dia Nacional, nos Aruba Dag 2026.

CURASON DI ARUBA

Nos antepasadonan den biento ta murmura
Nos distinguido grandinan cu nan sabiduria
Nos bieuwnan transforma ta canta riba olanan di laman
Ora cu warawara ta bayla raya shelo cu su forsa
Nan tradishon norma balor y cultura nos a hereda
Impacta nos cu conocimiento y derecho
Amor na horizonte cu nunca a bira scur cabey sinishi cara na plooi
Mente y mannan fuerte nan amor den nan sirbishi
Nan forsa ta bula cu nos bandera di yuda duna scucha y conseha
Oh ki amor grandi pa nos Aruba dushi tera
Cu bayle di indjan trahado y halado
Nan a sinya nos hopi cos
NO caba cu nos dushi grandinan
NO laga nan wordo negligia y lubida
Duna nan amor tempo atencion incondicional
Dios mes lo bolbe pa nan un dia
Ora nan bida spiritual cuminsa
Ora nan ricibi nan trofeo y corona
Di nan mision aki na mundo cumpli
Curason di Aruba boso nos ta gradici y stima

Ruthy Lady Ruth Vrieswijk-Bergen



Moises

E homber cu a saca e pueblo di Dios for di esclavitud di Egipto

Presenta pa:
Jose Rodrigues do Vale

Den e buki di Exodus - Ora nos lesa e historia aki nos por comprende cu no ta trata pa e tempo ey so, pero den tur tempo Dios a sigui ta ocupa cu nos y muestra nos cu a pesar di nos infelidad y desconfianza di nos fe den dje. E a sigui stima nos cu ta su yiunan. Moises e homber cu Dios a



manda pa saca su pueblo for di e esclavitud di Egipto, pasobra ora cu Jacob y su yiunan a muri y tur e resto di e generacion mientras cu e israelitanan ta bay ta multiplica y nan a bira numeroso y a cuminsa yena e pais Egipto. Te ora cu a yega e dia cu a nombra un Farao nobo cu no tabata conoce Josef y a bisa e Egipcianan lo siguiente: "Nos mester tuma precaucion contra e hebreonan, pasobra nan a multiplica demasiado y nos no mester permiti pa esaki sigui sucede pa motibo cu nan por yega di bira mas fuerte cu nos y hasta domina y goberna nos."

Y desde e momento ey e Egipcianan a cuminsa esclaviza e hebreonan cu trabounan forzoso a para bira pa e hebreonan na Egipto un criminalidad y ya nan no tabatin paz, pasobra e Egipcianan a cuminsa trata nan manera esclavo den un cas di esclavitud den un inmenso campo di concentracion mei di tanto opresion.

E Israelitanan a cuminsa ta sclama na Dios y na nan antepasadonan cu ta Abraham, Isaac y Jacob rogando nan asina na Dios pa tene misericordia di nan. Pero un largo tempo a pasa y hopi di nan a muri y hopi di nan a cuminsa kere cu Dios a bandona nan y cu no tin speranza mas pa nan y nan lo padece den e spantoso esclavitud di Egipto. Pero no tabata asina, pasobra Dios a tende e gritonan, e lagrimanan, e sclamacion y e sufrimento di su pueblo. Ta pesey e a manda Moises y Aaron pa libera su pueblo for di e esclavitud di Egipto, pero e Farao a sobreponer contra e boluntad di Dios y a nenga rotundamente di haci esey pues pa laga e Israelitanan den libertad. Mirando Dios cu e Farao no tabata kier a obedecer su voluntad di laga su pueblo bay, Dios a dicidi di muestra e Farao ta ken ta Dios di e universo y e a castiga tur e pais cu dies formidabel calamidad asina yama e dies plaganan di Egipto. Unda a cuminsa ta reina enfermedad, pestenan y morto locual a cuminsa temerisa e Egipcianan y no a keda mas alternativa pa e Farao baha cabes y laga e Israelitanan bay for di Egipto. Acompaña di Moises y Aaron e pueblo tabata bandona Egipto y ora e pueblo di Israelitanan a yega na e sercania di un brasa di lama a bolbe sinti un sonido cu a produci un miedo enorme cerca nan. Y ora a bira wak patras na a mira e ehercito cu a sali for di Egipto en busca di nan atrobe. Mirando esey e Israelitanan a cuminsa sclama Moises bisando: "Haci algo, pasobra e ehercito ta alcanza nos caba." Moises mirando e ehercito cu tabata asercando su hendenan, a hisa su baston na laira y a sclama na Dios cu a haci su hendenan yega tera firme y mientras cu e ehercito di Egipto cu tabata persiguinan a keda atrapa y a naufraga y yegando tera firme na e otro banda di oriya. E israelitanan a alaba Dios y a reconoce cu Dios no a bandona nan nunca y cu Dios a manda un salvador pa nan cual ta Moises y huntonan tabata canta y alaba Dios.

E historia di Moises ta parce hopi e historia di Hesus. Ta mescos Hesus a bin na e mundo aki y a tuma nos picanan y a siña nos e caminda pa bay na su Tata.



Aruba Taekwondo Association (ARTBO) ta anuncia Directiva Nobo pa e periodo 2026-2028



ORANJESTAD (AAN): Aruba Taekwondo Association (ARTBO) tin e plaser di anuncia e culminacion exitoso di su eleccion general, estableciendo un team di

nan mas halto di integridad y transparencia, e proceso completo di eleccion tabata maneha y supervisa pa un panel distingui di representan-
tenan di instancianan de-

Sra. Soraida Boekhoudt, Presidente - Aruba Sport Unie (ASU), Sra. Julissa Bislip, Asistente Administrativo - Aruba Sport

no (COA). Nan presen-
cia y supervision tabata
fundamental pa e ehecucion exitoso di e proceso democratico aki. Tambe a conta cu presencia di Sra. Maria de Lourdes 'Marilu' de Veer.

Resultado di Eleccion:
Directiva 2026-2028

E siguiente miembronan a wordo eligi pa lidera ARTBO den e proximo termino:

- Presidente: Sr. Moisés Fernandes
- Vice-Presidente:

Sra. Wever tabata, y ta keda, un balor agrega grandi pa e comunidad di Taekwondo na Aruba. Su dedicacion, profesionalismo y pasion pa e deporte a laga un marca positivo den e organisacion. ARTBO ta gradici'e pa su añanan di servicio y su apoyo continuo.

Union den Comunidad ARTBO kier a gradici tur e scolnan miembro y delegadonan presente pa nan participacion y com-



liderasgo cu lo guia e organisacion durante e periodo 2026-2028.

Supervision y Transparencia
Pa garantisa e standard-

portivo oficial. ARTBO ta expresa su gratitud profundo na Sr. Elvin Landrau Ramos, vicepresidente - Panamerican Taekwondo Union (PATU) region Caribe,



Unie (ASU), y Sr. Patrick Werleman Director Desaroyo di Deporte - Comité Olímpico Aruba-

- Sr. Norberto Tromp
- Secretario: Sr. David Fernandes
- Tesorero: Sr. Audric Solagnier
- Comisario: Sr. Harold Tromp
- Comisario: Srta. Angela Angela
- Comisario: Srta. Aischal van der Linde

promiso cu e deporte: Impact Taekwondo, Tiger Taekwondo Academy, Estrella Taekwondo & Martial Arts Foundation, Caribbean Taekwondo Institute, Elite Taekwondo, Chaco Taekwondo Academy, San Nicolas Taekwondo Center, Brazil Taekwondo, y Crota-lus Taekwondo.

Despedida di secretaria Sharissa Wever
Directiva ta probecha e oportunidad aki pa expresa un aprecio sinsero na e secretaria saliente, Sra. Sharissa Wever.

ARTBO ta mira padilanti pa un periodo di crecimiento y excelencia mientras e ta sigui eleva e nivel di Taekwondo na Aruba y riba escenario internacional.





Noticianan for di Hulanda

Binti militar Hulandes a bandona Irak despues cu mision di NATO a wordo suspendi



HULANDA: Alrededor di 20 militar Hulandes y consehero civil cu tabata traha na e mision di NATO na Irak, a bandona e pais.

Esaki ministerio Hulandes di Defensa a duna di conoce Diabierna. Nan tabata traha entre otro na e cuartel principal di e mision na Bagdad.

Mas trempa Diabierna a sali afo cu e aliansa Atlantico a suspende


e mision pa motibonan di seguridad.

Militarnan stranhero na Irak desde e atake di Israel y Merca riba Iran frecuentemente ta e blanco di atakenan ehecuta pa gruponan pro Iran.

E mision di NATO ta pa construi e aparato di seguridad di Irak.

Tin un total di 600 militar cu ta participa na esaki.

Organizacion pa cachonan di polis ta sigui uza banchinan cu coriente pa train e cachonan



HULANDA: Miembronan di e organizacion di cachonan di polis ainda ta haci uso di banchinan di coriente cu ta ilegal.

Esaki polis y Ministerio Publico a duna di conoce den e programa di investigacion Zembla.

Uso di aparatonan di coriente durante training di cacho 4 aña pasa a bira ilegal.

Actualmente tin dos caso penal

andando pa uso di banchinan di coriente.

Un di e casonan ta contra un sospechoso den e municipio di Sittard-Geleen, unda cu ta papia entre otro di maltrato di bestia door di uso di e banchi di coriente.

E otro caso tambe ta di un homber acusa di maltrato di bestia, probablemente usando un banchi di coriente.

Candela grandi a destrui compania di scooter na Amsterdam por completo



AMSTERDAM: Un compania di scooter den Nieuwe Hemweg den Amsterdam-Westpoort Diabierna atardi a wordo destrui por completo door di un candela grandi.

Durante e candela te hasta for di Rotterdam y Utrecht por a mira bastante huma preto.

E candela a cuminsa alrededor di

15.00 pafu di e compania na varios scooter electrico.

E vlamnan a plama asina lihe cu no por a wordo evota cu e compania a pega na candela.

Brandweer a bay paga e candela y tabata midi rond di e lugar pa determina si substancianan peligroso por a drenta aire.

Companionan di biahe ta druk cu cambionan di pasashinan pa Mei debi na guerra den medio oriente



HULANDA: Organizacionnan di biahe na Hulanda ta hopi ocupa ta haci cambio di pasashinan pa loke ta vakantie di Mei, pa miles di pasahero.

Esaki debi na e problemanan causa pa e guerra den Medio Oriente.

ta trata di personanan cu kier a bi-

aha pa un pais den Medio Oriente cu awor ta cancela esaki.

esaki segun ANVR.

Mirando e cantidad di cancelacion, Europa, Corsow y Cabo Verde ta probwcha di esaki como destinacion alternativo.

Noticia Internacional

Merca ta reduci nivel alerta di conseho di biahe pa Venezuela, cu excepcion den areanan di riesgo halto

WASHINGTON: Merca ta anuncia diahuebs cu nan a reduci nivel di conseho di biahe pa mayoria di Venezuela cu un nivel, pa Categoría 3 (Reconsidera Biahe), reflehando e condicionnan di seguridad mehora den e pais, segun e administracion di Trump. Na december pasa, Merca a hisa su conseho di biahe pa Venezuela na Categoría 4 (No Biaha), un nivel cu e Departamento di Estado lo mantene sinembargo den estadonan manera Tachira, Amazonas, Apure, Aragua y Guarico, y tambe areanan rural di Bolívar, “debi na e riesgo di criminalidad, asesinato, terrorismo.” “Mientras cu e situacion ta mehorando, e condi-



cionnan den algun parti di Venezuela ta keda peligroso. Crimennan violento manera homicidio, atraco arma, y secuestro ta sosode,” un comunicado di Departamento di Estado a splica.

E texto ta adverti cu e gruponan “terrorista” Tren de Aragua y Cartel de los Soles, originario na Venezuela, ta sigui opera den e pais, y cu, en general, diferente gang violento ta opera den zonanan fron-

terizo cu Colombia, Brasil, y Guyana.

Tambe ta enfatisa e riesgo di uso di taxi no regula di Aeropuerto Internacional Simón Bolívar na Maiquetía, cu ta sirbi Caracas, y di uzo di ATM banda di e aeropuerto.

Departamento di Estado ta insisti cu “biaha anochi entre ciudadnan, of entre Aeropuerto Internacional Simón Bolívar na Maiquetía y Caracas, ta riesgoso.”

Apesar cu ta haci esfuerzonan pa reanuda operacionnan na e embahada Mericano na Caracas desde e derocamento y detencion di presidente Nicolas Maduro pa Washington na januari, ta nota cu “servi-

cionan consular di rutina ta keda suspendi na Venezuela” y cu e seccion di Asuntunan di Venezuela na e embahada Mericano na Bogota ta sigui sirbi como ley di hecho.

Washington, na su turno, ta adverti cu e seccion aki “no por brinda serviccionan di emergencia na ciudadanonan Mericano cu ta pafu di Caracas.”

Departamento di Estado tambe ta recorda su ciudadanonan cu mester di un visa pa drenta Venezuela, cu visa no ta disponibel na yegada, y cu tin riesgo di detencion si un drenta e pais sin un permiso valido otorga pa autoridadnan Venezolano.

Salario minimo nobo ta sacudi negoshinan chikito na New York

Negoshinan chikito na ciudad di New York ta den centro di un debate despues di e introduccion di un proyecto di ley pa hisa e salario minimo local na 30 dollar pa ora, e cifra mas halto considera pa cualkier hurisdiccion di Merca te awor. E iniciativa, defende pa gruponan progresivo y sindicatonan laboral, tin como meta pa aliviar e dificultadnan cu trahadonan ta enfrente pa paga vivienda, cuminda y otro gastonan basico den un di e ciudadnan mas caro di e nacion.

E proposicion ta genera preocupacion bou di comerciantenan y empresario-nan, cu ta adverti cu e salario minimo nobo por forsa despido, ceramento di negoshi, y un transformacion economico di e barrio.

E proyecto, introduci na e Consejo di Ciudad pa consehero Sandra Nurse y apoya pa alcalde Zohran Mamdani, ta anticipa au-

mentonan halto: companianan grandi mester alcanza e drempele di 30 dollar pa ora pa 2030, mientras cu companianan chikito lo tin te cu 2032.

E proposicion ta inclui ahustenan automatico vincula na inflacion y ta extende su alcance na trahadonan di plataforma y contratistanan independiente. Si aproba, mas cu un tercera parti di e forsa laboral di e ciudad lo mira nan salario modifica, segun calculacionnan di e think tank di Instituto di Politica Economico (EPI). Segun Fox 5 NY, e legislacion ta hisa e salario minimo di \$17 pa \$30 pa ora pa 2030 pa companianan grandi y ta establece un liña di tempo mas flexible te cu 2032 pa negoshinan chikito. Consehero Nurse a argumenta cu e meta ta cu ningun trahado full-time mester biba den pobresa, considerando e costo di bida na New York.

E iniciativa ta inclui aumentonan anual ahusta pa inflacion y tambe ta afecta e empleadonan cu ta haya tip, cu lo mester ricibi e salario minimo nobo prome cu 2032. Trahadornan independiente y di plataforma, manera chauffeurnan di entrega y otro chauffeurnan, lo wordo cubri pa e schaal nobo.

Datonan di e think tank di Instituto di Politica Economico ta indica cu e salario minimo proponi ta cerca di loke nan ta considera un “entrada digno” den e ciudad, aunke e ta keda bou di loke un famia mester pa cubri necesidadnan basico. Pa un adulto soltero, e costo anual di bida den e ciudad ta surpasa \$83,000, y pa un pareha cu un yiu, e ta subi te na mas cu 140,000 dollar.

Negoshinan chikito y margennan na rand Tom Grech, presidente di e Camara di Comercio di Queens, a adverti cu “sim-



plemente no ta sostenibel pa negoshinan chikito” enfrente un aumento asina abrupto, specialmente despues di añanan di ceramento relaciona cu pandemia y aumento di huur, utilidad y belasting. El a splica cu hopi negoshi ta opera riba margennan minimo y ya caba ta luchando pa sobrevivir contra competencia di cadenan grandi y plataforman digital.

Lisa Sorin, hefe di e Camara di Comercio di Bronx, a pidi pa estudionan di impacto profundo prome cu sigui cu e legislacion. Sorin a señala cu un parti significante di e sector di negoshi local

por wordo forsa pa pasa e gastonan aumenta pa e prijsnan di nan productonan of serviccionan, reduci personal, of simplemente ceran portanan.

E presion di aumento di gastonan laboral a empeora pa contexto post-pandemia, den cua Ciudad di New York a perde miles di negoshi chikito; esnan cu a sobrevivir awo ta enfrente huur halto y utilidadnan y seguronan mas caro. Gastonan di labor ta representa e gasto fiho di mas grandi pa mayoria di doñonan di negoshi chikito, cu no tin e recursonan y respaldo financiero di corporacionnan grandi.

Noticia Internacional

Texas lo ricibi un inversion di 300 biyon dollar pa construi e refineria mas grandi di Merca



TEXAS: E ciudad di Brownsville, Texas, ta preparando pa ta anfitrión di e proyecto di energia mas grandi na Merca den e ultimo decadan: un refineria balora na USD 300 biyon, impulsa pa America First Refining, e compania Mericano, den partnership cu Reliance Industries Limited, e conglomerado priva mas grandi di India. E compromiso aki ta marca e prome construccion di un refineria di petroleo riba suelo Mericano den mey siglo y ta anticipa cambianan den e cadena di suministro di energia y den e posicion internacional di Merca dentro di e mercado di hidrocarburo.

Segun datonan suministra pa America First Refining y difundi pa e diario empresarial indio The Economic Times, e refineria nobo lo procesa exclusivamente light shale oil—principalmente extrae for di e Permian Basin—cu e meta di reduci dependencia riba crudo importa y fortalece seguridad di energia nacional.

E construccion ta programa pa cuminsa den e di dos cuartal di 2026, representando un punto di cambio den infraestructura di refinamiento di Merca for di e desaroynan grandi di mitar di siglo 20.

E iniciativa ta anticipa cu e refineria di Brownsville lo logra un capacidad inicial di 50.000 bari pa dia na 2027, yegando progresivamente na 160.000 bari pa dia unabes cu e fasenan di expansion sucesivo ta completa, segun cifranan oficial di America First Refining. Henter e produccion lo wordo cumpra pa Reliance Industries Limited, sigurando e combustibel su disponibilidad riba mercado internacional pa por lo menos 20 año, se-

gun e contrato firma entre e dos companianan. E acuerdo bilateral ta stipula un contrato di compra y benta di 20 año cu ta cubri e adkision y distribucion di tur producto refina, proyectando un volumen total di negoshi di USD 300 biyon riba 20 año.

E cifra aki ta destina pa impulsa e economia regional y contribui na reduccion di e deficit comercial entre Merca y India. Reliance Industries Limited, conoci pa opera e compleho di refinamiento di mas grandi na mundo na Jamnagar, India, ta contribui cu su experticio tecnico y capacidadnan logistico na e planta nobo di Texas. America First Refining a anuncia e uzo di energia genera pa hidrogeno pa su procesonan industrial, cu, segun e compania, lo permiti e produci “algun di e combustibelnan mas limpi na Merca.”

Chuck Norris, leyenda di cine y arte marcial, a fayece



Chuck Norris a fayece na edad di 86 año na Hawaii diahuebs 19 di maart. E noticia a wordo confirma pa su famia den un comunicado cu a wordo poni riba medionan social. Un leyenda di pelicula y experto den arte marcial, Norris a wordo hospitalisa dianan prome pa motibonan no especifica.

E famia a declara den nan mensahe: “El a biba cu fe, proposito y un compromiso incansabel cu su sernan kero. Mediante su trabou, disciplina y bondad, el a inspira miyones di hende rond mundo y a laga un marca indelibel riba asina tanto bida.” E comunicado ta enfatisa cu e famia ta agradecido pa e sosten ricibi durante e re-

ciente hospitalisacion di e actor y ta pidi respet pa nan privacidad durante e momento di luto aki.

Naci na Oklahoma na 1940 y a muda pa California despues di un infancia marca pa dificultad economico, Norris a cuminsa su entrenamiento di arte marcial na Base Aereo di Osan, Sur Korea, mientras e tabata sirbi den Forsa Aereo di Merca. El a logra e rango di prome dan den Tang Soo Do prome cu e edad di 23 año, y a acumula distincionnan notabel manera seis campeonato mundial di karate—un record di 65 victoria y cinco derota—prome cu el a funda su mes red di scolnan na Los Angeles.

Costa Rica ta activa extradicion pa prome biaha den su historia y ta entrega dos sospechoso narcotraficante na Merca

Costa Rica a marca historia diabierna cu un evento sin precedente: e extradicion di dos di su propio ciudadanonan pa Merca, como parti di un investigacion internacional di trafico de droga.

E individuonan extradita ta ex-hues Celso Gamboa Sánchez y Edwin López Vega, conoci como “Pecho de Rata”, tur dos busca pa un Corte Federal na Texas pa supuesto participacion den un red di trafico di cocaína destina pa e mercado di Merca.

E relevancia di e caso ta transcende esnan involvi. Pa mas cu un siglo, ley di Costa Rica a prohibi e

extradicion di su ciudadanonan, un proteccion constitucional cu a stroba nan di enfrenta procedimontonan legal pafo di e pais, asta pa crimennan transnacional.

Su carera, sinembargo, tabata marca pa controversia. Na 2018 el a wordo kita for di su funcion como huez comisario siguiendo preguntanan etico. Añanan despues, su nomber a bolbe aparece den e titularnan, e biaha aki vincula na investigacionnan internacional di trafico de droga.

Segun autoridadnan Mericano, supuestamente Gamboa a colabora cu organisacionnan crimi-



nal den coordinacion di envio di droga pa Merca, probechando di su contactonan y conocimiento di e sistema hudicial.

Mientras cu, Edwin López, alias “Pecho de Rata”, ta un criminal condena cu

un antecedente penal, tambe identifica como parti di rednan di trafico de droga. Ambos ta enfrenta acusacionnan di conspiracion pa fabrica, distribui y exporta cocaína.

**Pa chica Pos - Habri tubería y wc.
Servicio lihe y confiablel.**

Experiencia ta manda
CICLONE
Septic Tank Service

Tel: 564-0607 / 734-0607

**TA FURA
ELMA UPHOLSTERY**

Matras, box busca mainta y
hay e atardi! Set di sala, tv
chair, sienta auto.

Tel: 565-5577
Macapruimstraat # 1L

**CONSTRUCCION
REMODELACION**

Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construcccion di cas
y apto bon prijs. Free quotation.
Tel: 561-2137

SUSHI

Nos ta piki sushi tur caminda,
lage limpi limpi mane un
soño. Pa solamente 50,- pa
buelta y Ecotech apart.
Yama nos den 592-5766 of
561-5179. Arubiano trahado.

WASMACHINE

Ta drecha wasmachine,
dryer, stoof, forno.
Ta drecha, service y instala
airco. Tel: 742-2518.
Ta drecha na cas mes.

**JR PLOMERIA Y
CONSTRUCCION VBA**

Nos ta haci tur trabao
di plomeria grandi y
chikito. Lavamanos,
wc, lavaplato y ducha.

Tel: 563-4154 • 563-9130

NOS TA DRECHA

Frigidaire,
wasmachine, dryer,
airco, cooler.
Tel: 566-4366

TA CHAPI

Corta mata.
Ta tira sushi afo. Nos
ta hardineria completo
na super bon prijs.
Tel: 569-8003

**Chapi, verf, tira sushi
Ecotech, plumbing,
construcccion,
jardineria, mantencion,
handyman.**

WHATSAPP: 561-1397

TA CHAPI

**TIRA SUSHI AFO
TRANSPORTE
DE CARGA**
Tel: 594-5115

DIARIO

Pa noticia, cumpleaños,
comentario, redaccion:
noticia@diario.aw

Tel: 582-6747

Shailiny Tromp-Lee cu yamada fuerte pa defende nos autonomia pasobra nos mes por!

Bisa NO na HOFA!



ORANJESTAD (AAN):
Durante e encuentro pub-
lico di dia 19 di maart 2026,
den presencia di Sindicato-
nan den union mi a enfatisa
e necesidad pa nos laga nos
bos resona na defensa firme
pa e dignidad di nos pais.

Mi a pone énfasis cu e mo-
mento pa traduci palabranan
bunita den accion concreto
a yega: Aruba mester re-
chasa e Rijkswet HOFA pa
proteha e autonomia cu nos
grandinan a lucha p'e. Mi a
enfatisa y subraya cu mi ta-
bata contra di CHE, COHO,
RAFT y awor mi ta contra
HOFA.

E posicion aki ta basa riba
e realidad cu Aruba a dem-
ostrar caba di tin e capaci-
dad y e voluntad politico pa
maneha su propio finanzas y
actualmente ta cumpliendo
cu normanan ancla den nos
ley local cu ta funcionando
efectivamente.

E Responsabilidad di e Gen-
eracion Actual
Nos ta den e aña cu Aruba
ta bisti di gala pa celebra 50
aña di nos Himno y Ban-
dera y 40 aña di nos Status
Aparte, y pesey mi a haci un
yamada na e consenshi di
mi coleganan parlamenta-
rio. Mi a urgí pa no laga nos
ta e generacion cu ta entrega

loke nos grandinan a lucha
asina duro p'e, pasobra e
libertad di Aruba no tabata
un regalo, sino un resultado
di e curashi di homber y
muhenan cu a kere den nos
capacidad pa goberna nos
mes.

**Realidad Financiero vs.
Strategia di Miedo**
Den e comunicado aki mi
kier agrega cu mi ta rechasa
categoricamente e uzo di
miedo pa forsa nos na firma
e Rijkswet aki. Cifranan
financiero stabiel y un eco-
nomia recuperando fuerte ta
pruebanan bibo cu Aruba no
mester entrega su derecho
di presupuesto, e curason di

nos democracia, na un orga-
no cu no tin cu duna cuenta
na e pueblo di Aruba.
Alabes mi kier a haci ref-
erencia na expertonan con-
stitucional manera Elzinga
y Hoogers, cu ya a bati e
alarma cu HOFA no ta un
"check-up" temporal, sino
un peligro real pa un cambio
di autoridad permanente,
mescos cu a sosode caba na
nos islanan ruman Corsou y
Sint Maarten.

Un Apelacion na Coalicion
Na final di mi disertacion
mi a haci un apelacion na e
coleganan di coalicion rep-
resentanto e partido mas
grandi pa nan asumi respon-

sabilidad y fiha un posicion.
Pasobra ta impredecibel cu
un partido grabdi asina nos
por tin un opinion riba un
asunto asina importante.
Pa termina mi kier bisa loke
door di tempo, mi no a logra
bisa den sala di parlamento.
Mi lo desea pa nos para
hunto y duna Aruba e regalo
di mas grandi den e aña di
fiesta aki: e confirmacion cu
nos ta un pueblo digno, cap-
pas y liber. "Nos no mester
di e Rijkswet aki pa ta fi-
nancieramente responsabel.
Nos ta responsabel pasobra
nos tin amor pa nos pais.
Aruba no mester di cadena,
pasobra Nos Mes Por!"



Wij hebben je mogen begeleiden in je laatste levensdagen.
Het was fijn om dit samen voor je te mogen doen. Op 16 maart is overleden
onze lieve dochter, zus, moeder, schoonmoeder, oma & overgrootmoeder

Lorraine Henriette Cornelia Nicolaas-Verschoor
"Hetty"

CURAÇAO 6 februari 1940 | WEERT 16 Maart 2026 †

Dochter van
Alejandro † & Olga Nicolaas †

Zus van
Pamela Jansen,
Anthony Nicolaas †,
Scarlett Nicolaas †,
Rene Nicolaas &
Jarmila Hellis

Weduwe van
Joop Verschoor †
Chris Wouters †

Moeder & schoonmoeder van
John, Vashti Verschoor & Kinderen
Robert, Chrissie Verschoor & Kinderen
Dean, Beryl-Lynn Verschoor & kinderen
Nicole, Sander Bouten-Verschoor & kinderen

Je mag eindelijk weer met papa dansen.
Till we meet again, mamita bunita.

NOS TA CUMPRO

Holoshi antigu
y moderno
di bon marca.
Pa info: 744-9995

SUPER CARD SUPER DEALS



**COMFORT
CLASS**

**Monday
Thursday**

8.00AWG

**Friday
Sunday**

9.00AWG

IMAX

10.00AWG

11.00AWG

VIP

11.00AWG

12.00AWG

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

“Ban Bek Caya” ta bolbe cu musica, baile y ambiente familiar diabierna 27 di maart



ORANJESTAD (AAN):E evento popular “Ban Bek Caya” ta regresa dia 27 di maart cu un programa yen di musica, baile y entretenimento pa henter famia. Ban Bek Caya ta un iniciativa di Gabinete AVP-Futuro pa trece bida bek den Caya Grandi y duna un impulso economico pa e comerciantenan estableci den Caya Grandi.

Cada biaha esaki ta bira mas grandi y e comerciantenan ta mira e efecto positivo di cada edicion. Hopi ta esnan cu ta probecha di e orario y ambiente pa haci nan compras y probecha di e bon ofertanan cu mayoria comerciante ta ofrece.

Edicion di Ban Bek Caya lo cuminsa for di 6:00 di atardi y ta promete un ambiente animado den Caya Grandi, combinando folklore cu ritmo moderno. Organisadonan a prepara presentacion varia di artista y grupo cu lo subi tarima pa entretene publico. Entre esnan confirma tin DJ Splash, DJ Double R y banda Los Monstros, hunto cu presentacion di baile di Gucci Dancers Aruba, Saniflow Dancers y Grupo di Baile Dazzling Dancers. E publico lo por disfruta tambe di talento local manera Rincon Boyz, Isdell, Lens y Ben, Chando, Touch of Steel, Ritmo Real y Kempy. Ademá, lo tin participacion di



The Chaz Modeling & Talent School.

Un momento special durante e evento lo ta e presentacion di finalistanan di Festival “Un Canto pa Aruba” su Himno y Bandera Infantil y Hubenil, pa asina duna espacio na hoben talento pa bryla riba escenario.

Pa e muchanan, lo tin entretenimento special incluyendo Dino Jump, organisa hunto cu Smart Choice Aruba, asegurando cu e evento ta apto pa tur edad.

Ademá di entretenimento, “Ban Bek Caya” lo conta cu presencia di tentnan di comer-



ciantenan chikito, ofreciendo diferente producto y cuminda local. Esaki ta crea oportunidad pa emprendedoran local y contribui na dinamica economico durante e evento.

“Ban Bek Caya” ta continua di ta un actividad importante pa promove cultura local, talento Arubiano y union comunitario den un ambiente sigur y familiar.



LUCKY GROUP OF STORES

SAMSUNG
4 BURNER GAS
STOVE



24
INCH

SPECIAL PRICE
799.⁰⁰

SIDE BY SIDE
REFRIGERATOR



LG
Life's Good



23
CUFT

SPECIAL PRICE
3429.⁰⁰

aiwa
WINDOW UNIT AIRCO



8000
BTU
110V

SPECIAL PRICE
549.⁰⁰

SANKEY[®]
STANDING
FREEZER



Inverter

SPECIAL PRICE
2189.⁰⁰

22
CUFT

SIDE BY SIDE
REFRIGERATOR



LG
Life's Good



220V

19
CUFT

SPECIAL PRICE
1589.⁰⁰

DAIKIN
SPLIT UNIT AIR CONDITIONER

12000
BTU
110V



GL
Series

INVERTER

SPECIAL PRICE
875.⁰⁰



LUCKY ELECTRONICS

HAVENSTRAAT #27 TEL:-582-9630 / 6610420

IPAD 11 A16



661-0420

SAMSUNG
GALAXY S26 ULTRA



256GB
512GB

661-0420

GoPro
Be a HERO.
HERO 13



661-0420

MASSAGE GUN
with Travel Pack



Special Price
\$39.99

WATCH SE 2



Special Price
\$299

Easter Egg



**20%
OFF**

**Corner
Rack**



SPECIAL PRICE
83.⁹⁵

**Recliner
Sofa**



SPECIAL PRICE
475.⁰⁰

**2pc Beach Chair
and Table**



SPECIAL PRICE
399.⁰⁰

Easter Egg



SPECIAL PRICE
4.⁹⁵

Cabinet



SPECIAL PRICE
255.⁰⁰

Folding Table & 2 Chair



SPECIAL PRICE
325.⁰⁰

Sofa Bed



SPECIAL PRICE
850.⁰⁰

**Easter
Basket**



SPECIAL PRICE
4.⁹⁵

Plant



SPECIAL PRICE
125.⁰⁰

Camping Tent



SPECIAL PRICE
75.⁰⁰

Chair



SALE
45.⁰⁰

LUCKY SUPER STORE
JOHN G EMANSTRAAT #71 TEL:-582-3001

LUCKY FAMILY STORE
SAVANETA #490 TEL:-582-0034

LUCKY ELECTRONICS
HAVENSTRAAT #27 TEL:-582-9630